

周
易
通
義

周易通義叙

易有太極、是生陰陽、陰陽交易而成對待、易之體也。所謂先天也。陰陽變易而有流行、易之用也。所謂後天也。體中有用、用有體。萬化之原、萬古之會、萬象之蘊、萬物之情、萬用之經、萬事之時、盡在是矣。大傳曰：易之興也，其於中古乎？言其興則昔之廢可知也。春秋傳：韓宣子聘魯，始見易象。易象周公所作象辭獨見於魯，則其晦又可知也。先天當天地開闢之運，中閤得後天，後天當再開闢之運，又中閤得十翼。孔安國謂贊易道以顯八索，雖其詳不可考，意蓋可推矣。彖傳、象傳、文言、序卦、雜卦，所以翼文王也。繫辭說卦、系彖、文而並翼也。世皆以後天賴十翼而明為夫子

之功、不知先天由十翼而傳、微夫子後世殆不知有伏羲之易、
夫子之功所以大也、所謂闢天地盛衰之運也、此道若廢若興、
若晦若明、更千有餘載、然後有周子太極圖說、有邵子皇極經
世書、發揮先天之蘊、尤爲暴白、其於天地盛衰之運、亦非偶然
出者、於乎至矣、超然少而讀易、不得其門、後乃求之周子邵子
之書、又取朱子本義讀之、始粗窺瑣隄、尚恨本義朱子嘗欲再
脩而未及、於是悉其疲業、參稽互考、始則採之先儒、以盡其情、
中則反之鄙聞、以竭其陋、終則本之經意、以欽其歸、因而成帙、
目曰通義、通義者、蓋將即夫子之義、通文王之義、以上溯伏羲
之義也、嗟夫、觀吾之心書、則知吾釋經之意矣、昔者聖人之作

易也、非但以包羅理氣、剖析象數而已、一畫一辭、乃理氣象數
凝結而成文者也、此所以闡天地之運也、伏犧畫之、文王繫之、
夫子翼之、同為出於理氣象數之自然、亦猶之自本而幹、自幹
而支、不但太極生出之後、序為然、三聖之序、猶是也、此通義之
所以作也、 嘗

咸淳八年秋八月吉日天台黃超然立道謹序

通義叙

易有辭象數占之分尚矣象數者辭之根抵而辭則象數之華也而占則其實也昔宋陳希夷以象學授种放、將沒火其書而說不傳以數學授穆伯長、三傳至康節而其說始著占學自漢京房魏管輅晉郭璞而下代不乏人辭學甚衆唯程傳為世所共宗是四者皆各自為一家之學者也程子固曰予之所傳者辭也然只說到七分朱子本義說與程異其是與程子出一臂之力然朱子又曰本義說理大多終是翻這窠臼不盡晚歲未及再飭而卒此吾祖壽雲先生通義之作蓋以此也通義固為本義忠臣而或者未免有使先西河之民疑汝於夫子之

讀侃愚不肖似於家學無所發明在過庭則嘗聞其畧矣吾

祖嘗言備辭之工至通義可以無憾衆數精蘊知而不言人何
述焉知而輒言天厭之矣故皇極經世內外之篇邵伯溫無一
語說起數之例者此也嗟夫吾祖不可作矣侃溫奉

省檄不爲他儒掾而特直初菴先生之祠詎可謂非天乎輒
序本末并刻之

至順改元庚午五月朔日孫饒州臨初菴書院山長侃百拜書

先天圖

邵子皇極經世書曰、太極既分、兩儀立矣、陽下交於陰、上交於陽、而四象生矣、陽交於陰、交於陽、而生天之四象、剛交於柔、交於剛、而生地之四象、於是八卦成矣、八卦相錯、然後萬物生焉、是故一分爲二、分爲四、分爲八、分爲十六、十六分爲三十二、三十二分爲六十四、故曰分陰分陽、迭用柔剛、故易六位而成章也、十分爲百、分爲千、分爲萬、猶根之有幹、幹之有枝、之有葉、愈大則愈小、愈細則愈繁、合之斯爲一、衍之斯爲萬、是故乾以分之、坤以翕之、震以長之、巽以消之、長則分、則消、則翕也、

右先天圖、外圓內方、圓以象天、方以象地也、圓圖陽生子中而

為復、自復左旋、歷臨、泰、大壯、夬而極于乾、陰生於午中而為姤、自姤左轉、歷遯、否、觀、剝而極於坤、乾上而坤下也、方圖陽極於西北、陰極於東南、坤上而乾下也、

乾兌離震巽坎艮坤此八卦者、卦之祖也、否、咸、既濟、恒、益、未濟、損、泰、此八卦者、卦之宗也、乾坤合而為泰、否、兌艮合而為咸、損、坎離合而為既濟、未濟、震巽合而為恒、益、二其八而為十六、故

十六卦之位、相為交錯也、


邵子曰：天地定位，否泰反類，山澤通氣，咸、損見義當風相薄，恒、益起意水。

火相射、既濟、未濟、四象相交、咸、十六卦、卦相重、為六十四、蓋指方圖而言之也、後天上經首乾坤、則

以純體父母之象、下經首咸、恒、則以兌艮震巽合體而為夫婦之象、自乾坤歷八卦而至泰、否、又歷十六卦至坎離而上經終

為自咸恒歷八卦而至損益又歷二十卦虛震艮巽兌不用則
亦為十六卦至既濟未濟而下經終焉由此推之先天卦位與
後天卦次未嘗不合雖後聖之於前聖其參稽互攷不得而知
然理數所在一本而已則亦何適而不相符也哉

後天八卦方位圖



後天八卦震為陽木、離為陰火、兌為陰金、坎為陽水、二陽二陰皆位於四正、巽為柔木、坤為柔土、乾為剛金、艮為剛土、二剛二柔皆位於四維、以流行言則主於適生、以對待言則主於相克、而以起震止艮為氣運之一周、震陽木也、正位乎東、巽以柔木繼震而茂大於東南、木盛生火、故離王正南、次之以坤、柔土也、接火之氣以毓於西、火氣既傳、土乃生金、兌陰金也、正位乎西、乾以剛金成兌而堅凝於西北、金盛生水、故坎王正北、次之以艮、剛土也、蓄水之氣、以峙於東北、水氣得止、土乃奉木、於是五行之循環周矣、自震至坎皆得適生之序、獨艮以土繼坎、若戕於相克者、蓋艮當成始成終之界限、水非剛土不能育其

德、木非剛土不能固其棧、貞元交接之際不有所止則不能有所起也、然水土木雖異德而相克、坎艮震巽同類而相和、蓋後天卦次乾坎艮震自為一類、巽離坤兌自為一類、故曰西南得朋、東北喪朋、正謂此也、又土實德也、自乾之坎、陽之寔德鍾而為艮、然後一陽升於正東而暑來、非土不生自巽至離、陰之寔德鍾而為坤、然後一陰降於正西而寒來、非土不成艮為陽寔、坤為陰寔、雖坎離之後皆居震兌之先、蓋土分主於陰陽也、木金土皆異而而水火獨一者、本也、本則不二矣、水火者造化之大本也、金木者造化之大用也、水坎成寔、艮而生木、震木氣既暢、巽中虛生火、離火成寔、坤而生金、兌金氣既堅、乾中實生水、坎



流行之妙極於是矣、以對待言之、坎離震兌乾巽為水火木金
之相克、坤艮為柔土剛土之相克也、坤土平而受益、艮土危而受損、

陰陽升降之圖



極陰藏陽其陽不消是謂貢陽貢陽主升故坎生震而左旋萬
物從陽而左是以舒氣而趨上極陽藏陰其陰不消是為貢陰
貢陰主降故離克兌而右轉萬物隨陰而右是以歛液而歸下
舒氣趨上其本在下歛液歸下其源在上、下者天地之大本
也左右者天地之大用也故四卦獨位乎四正也

天圓地方之圖



邵子曰圓者徑一而圓三方者徑一而圓四圓者天也方者地也所謂叁天兩地而倚數也今以已成之畫遡而推之天數奇其畫一叁其奇而成圓地數偶其畫一兩其偶而成方故圓大而方小也此陰陽小大之分是以天包地外地在天中也

六十四卦及對圖

上經

乾

坤

屯

蒙

需

訟

比

比

小畜

履

泰

否

同人

大有

謙

豫

隨

蠱

睽

觀

噬嗑

賁

渙

復

无妄

大畜

頤

大過

習坎

離

右上經三十卦不變有六卦反對成十八卦

下經

咸

恒

遯

大壯

晉

明夷

家人

睽

泰

解

損

益

夬

姤

萃

升

困

井

革

鼎

震

艮

漸

歸妹

豐

旅

巽

兌

渙

節

中孚

小過

既濟

未濟

右下經三十四卦不變者二卦反對亦十八卦

乾坤坎離以純體為父母之象而乾坤大父母也坎離小父母也兌艮震巽以合體為夫婦之象而兌艮夫婦之少也震巽夫婦之長也上經首乾坤歷八卦而父母之體合於是中之以泰

否乾貞主泰坤貞主否又歷十四卦二其為順大過三卦不變

過小而坎離終矣夫乾坤為氣化之始陽之屬也上經三十卦就

十四陰卦二十六陽多而陰少也自乾坤迭變以至大過大者過所以見陽之

已極也極則中氣復生故大過之後繼以坎離而中氣行為此

上經之序也下經首咸恒亦歷八卦而夫婦之用分於是中之

損益咸者必損同者必益又歷十八卦二其九內虛震艮為

以對上經之泰否

兌不用亦為十四

中孚小過

二卦亦不變以對順大過

而既濟未濟終矣夫咸恒為形化之始

陰之屬也

下經三十四卦就內分之陽卦三十陰卦三十八陽少而陰多也

自咸恒迭變而至

小過小者過所以見陰之已極也極則中氣復行故小過之後

次以既濟未濟而中氣交焉此下經之序也上經易之體故以

四純卦為始終皆不易之卦也下經易之用故以四合卦為始

終皆變易之卦也所以必終於坎離者易之道中道也乾坤之

中氣交而為坎離坎離之中氣交而為既濟未濟陰陽消息其

在子午之運水火之交乎觀上經下經之序大過小過之次然

後知易之象至精至密先儒或謂簡帙重大而析之者殆未深

考也

邵子曰中孚尚乾順尚離小過尚坤大過尚坎是以乾坤坎離中孚順小過大過皆不可易者也然順尚離大過尚

於此周易說中孚似亦肖離而曰肖乾小過似亦肖坎而曰肖
坤此精微之際不可无辨也坎離以二五為主顧二五皆柔故
肖離至中孚則二五初上皆剛乃肖乾矣大過二五皆剛故肖
坎至小過則二五初上皆柔乃肖坤矣坎離用中乾坤用全故
也或問六十四卦獨取乾坤坎離不取震巽艮兌何也曰非不
取也咸恒即兌巽震艮之合也但四卦皆偏而不中非合體无
以成其用人但見乾坤為上經之首不知兌艮震巽為下經之
首蓋純體之對易見合體之反難知兌艮震巽其合則二卦也
其反則一卦也所以為易之用也用復生用則前之用復為體
也乾坤之用為泰否艮兌之用為咸損震巽之用為恒益坎離
之用為既濟未濟

卦變圖

訟 乾交坤而為坎故
曰剛來而得中

隨 乾交坤而為震故
曰剛來而下柔

蠱 乾上交坤而為艮坤下交乾
而為巽故曰剛上為柔下

噬嗑 乾分一剛於坤而為震坤分一
柔於乾而為離故曰剛柔分

賁 坤下交乾而為離故曰柔來文剛乾
上交坤而為艮故曰分剛上而文柔

无妄 乾交坤而為震故曰剛
自外來而為主于內

咸 坤上交乾而為兌乾下交坤
而為艮故曰柔上而剛下

恒 乾上交坤而為震坤下交乾
而為兌故曰剛上而柔下

晉 坤交乾而為離故
曰柔進而上行

睽

坤交乾而為離故曰柔進而上行

蹇

乾交坤而為坎故曰往得中也

解

乾交坤而為震故曰往得衆也乾交坤而為坎故曰其來復吉乃得中也

損

損下之乾益上之坤而為艮兌故曰損下益上

益

損上之乾益下之坤而為巽震故曰損上益下

鼎

坤交乾而為離故曰柔進而上行

漸

坤交乾而為巽故曰柔得位

歸妹

坤交乾而為兌故曰天地不交萬物不興

渙

乾交坤而為坎故曰剛來而不窮坤交乾而為巽故曰柔得位乎外而上同

節

坤分一柔于乾而為兌乾分一剛于坤而為坎故曰剛柔分

傳言卦變兩體互變者凡九卦噬嗑賁咸雖專主一體而可

以兩體言者凡三卦隨漸一體變者凡六卦訟无妄晉雖兩體

皆變然非互變者凡一卦解總為十九卦夫剛柔相易變動不

居周流六虛莫非變也非止于十九卦也聖人特取其有關於

卦象者而言爾朱子謂程子以乾坤之變卦唯兩體互變者可

通本義除乾坤不變之外餘六十二卦凡一體變者皆可通然

无妄曰剛自外來而為主於內外者外卦也內者內卦也本義

乃謂无妄自訟而來二下居初其於傳文內外之例亦未盡合

也然則卦變之說將為所折衷乎曰論至聖人定矣說卦曰乾

天也故稱乎父坤地也故稱乎母震一索而得男故謂之長男

巽一索而得女、故謂之長女、坎再索而得男、故謂之中男、離再索而得女、故謂之中女、艮三索而得男、故謂之少男、兌三索而得女、故謂之少女、此變卦之祖也。且乾坤者、易之門戶、卦皆自乾坤而索、則當以乾坤推卦變也。明矣。竊謂兩體互變者、當合乾坤而並言、一體變者、當主乾坤而獨言、在賁艮本坤也、坤下索乾而變離、故曰柔來而文剛、離本乾也、乾上索坤而變艮、故曰分剛上而文柔、兩體互變者也。在无妄、外卦為乾坤、內卦為震、乾雖不變、然坤之為震、實自乾來、故曰剛自外來而為主、於內一體獨變者也。作易之初、生剛生柔、一畫即定、易之體也。既畫之後、用九用六、上下無常、易之用也。就卦畫已成之體、因以

推于毋變易之用、則六子相合之卦變固行其中、乾坤與六子相合之卦變、亦未嘗不行其中、此所以兩體固變一體亦變也、或者求其說而不得、遂謂无妄剛自外來、為自卦外而來、不思易所謂卦變者、乃就已畫之伎而推其義耳、非真以此爻易彼爻也、若夫 之卦之變、則隨其所之、相推无窮、自无妄而訟可也、訟而无妄亦可也、又安有先後之分乎、卦變之辭、具列其圖如左、无妄剛自外來而為主于內、外字之義最為難通、然愚之所以得窺經意者、正以外字得之、乃知夫子為善開使世也

周易上經第一 傳附

黃超然通義

易六十四卦伏羲所畫卦下之辭文王所繫是謂彖辭又下之辭周公所述是為象辭次為二篇通謂之經夫子釋之為傳彖傳上彖傳下象傳上象傳下繫辭上繫辭下文言說卦序卦雜卦凡十篇所謂十翼也古者經傳不相雜至後漢諸儒傳費氏易始纂傳入經以便誦讀王弼又分傳文各附本文之下近世嵩山晁氏東萊呂氏始漸加釐正為經二篇傳十篇以合於古文朱子是之作本義同時新安王氏炎亦用古法拉是古易始著其後建安蔡氏淵以為傳附於經雖混雜破碎然讀易致求為大失乃復依王弼所分而高下其行以列經傳今從之蓋今之為註既繫經文之下夫子所傳反不得繼經文之次寔未安也但蔡氏以大象居彖傳之下無失夫子作傳之序或後從元次云

三三 乾下 乾上

乾元亨利貞 乾健也重乾為乾健之至也元亨利貞此文王以天道明占辭也元大亨通利宜貞固乃乾之四德

在古者得之則事當
大通而宜於貞固也

大哉乾元萬物資始乃統天

元有義曰二字漢儒所加以別經文今刪去後傲此大哉乾元

以下夫子釋彖辭元義乾德莫先於元故有萬之物莫不資元以為始有始斯有終是乃元之所以貴統天德也蓋元亨利貞曰雖有四元無不統生理貫徹无少間斷先言資始者即程子所謂偏言則一事體言統天者即程子所謂專言則包四故曰萬物雲行雨施品物流形釋彖辭亨義始者有氣資始乃統天也雲行雨施品物流形釋彖辭亨義始者有氣則見於氣矣曰品曰流則別於形矣必大明終始六位時成言雲雨者天一生水生氣之最先者也大明終始六位時成時乘六龍以御天此言聖人動而發元亨之機也終貞也始元也聖人大明乾道之終而復始見卦之六位潛見飛躍各以時成乘六陽之時以控乾道變化各正天運進退疾徐各當其可蓋聖人之元亨也乾道變化各正性命保合大和乃利貞釋彖辭利貞義變者化之漸化者變之成性命之理與沖和之氣會合相紐蓋物自資始以來所得以生者乾道變化充長不已萬物至此然使堅實成遂各正其性命之有和飲數眾保合其冲

和之全凡之初生無少虧欠是以為利且貞也首出底物萬國咸寧此言聖人靜而

首出底物道化之妙無為而物自安蓋聖人之利貞也朱子曰元者物之始生亨者物之暢茂利則向於實也貞則寔之

成也寔之既成則其根蒂脫落可復種而生矣此四德所以循環而無端也然四者之間生理流行初無間斷此元所以

包四德而統天也其以聖人而言蓋以此卦天行健夫子見

為聖人得天俟行天道而致太平之占也地雷風水火山澤之象又因象說義以明作象觀象之道先

儒謂之大象元亦有漢儒所加象曰二字今刪去俟倣此乾象為天使並同卦上下皆乾然非有二天也天也君子以自

地外上下皆天偕環不息故曰天行以見其健也君子以自強不息自強乾象不

初九又自下生故下爻為初潛龍勿用象辭周公所作初二三

九乃陽數故剛爻為九潛龍勿用四五上者爻之位也九

六者爻之數也潛龍者天之象也勿用者天之占也吉凶悔吝无咎也者爻之斷也○初在下為潛之象乾君德為龍之

象潛龍而戒以勿用聖人扶陽之微意已見於乾之初爻矣

潛龍勿用、陽在下也

夫子釋象辭先儒謂之小象陰陽氣也又言陰陽者唯乾初九坤初六卦言陰

陽者唯泰否而已、象見識象、

九二見龍在田利見大人

離潛而出故以見龍言之履地道之中故以在田言之大人二也龍德初

著德施方善故人翕然利見之也剛為大凡經言大人皆指剛爻之在二五者也剛居二五有德有位故曰大人見發剛

見龍在田德施普也

九三君子終日乾乾夕惕若厲无咎

居人位之正故以君子言之在重乾之間故以乾

言之乾、健而復健也若語助也三當下卦之極所處之位不若二之易矣唯終日乾、進脩不息至夕猶惕不敢少懈

故雖无咎凡言无咎者多謂本有咎也後倣此

終日乾乾反復道也

反猶湯武反之、反乾、進脩欲反而復於道也必有待於反者以重剛不中

故也與復卦反復其道義同

九四或躍在淵无咎或非必為之辭言適然也離下升上為躍之象四陰位為淵之象躍則將及于天矣

而未敢遽進故退而在淵也四蓋通於時而非志於位者故河无咎

或躍在淵進无咎也或躍進也在淵退也四蓋有疑之意為進无咎者勉之也三四皆難處之地

皆有咎三在內而自力於德四居外而无心於位所以免咎也

九五飛龍在天利見大人自淵而升故以飛龍言之得天位之正故以在天言之大人五也剛健中

正對時首出天下利見所謂聖人作而萬物睹也

飛龍在天大人造也乾之時用在五故曰造

上九亢龍有悔乾至五盛矣過五則亢天道忌盈是以有悔蓋戒辭也凡言有者不必皆有之辭也

存亡而不失正則无悔矣嘗統而論乾剛惡極三處內卦之上故稱為上處外卦之終故稱亢為然三止下體之極是以厲而无咎上為通體之極是以亢而有悔時位畧同而有輕重也以內外卦對言之凡剛在下則藏在中則顯過中則危

初潛龍、四在淵、大抵皆藏也。二見龍、五飛龍、大抵皆顯也。三惕厲、上亢悔、大抵皆危也。統論六畫之時位、固有潛見飛躍、

潛見飛躍也。坤卦亦然。

亢龍有悔、盈不可久也。一陰

用九、著數九為老陽、七為少陽、老變而少不變、如見群龍无首、

吉、乾為首、乾變之坤、故為見群龍无首之象、剛而能柔、吉之道也。

三三 坤上 坤下

坤元亨利牝馬之貞、君子有攸往、先迷後得主、利西南得朋、東

北喪朋、安貞吉。坤順也、重坤為坤、六畫純柔順之至也、元亨利

北喪朋、安貞吉、北馬之貞、亦坤之四德、牝馬取貞而不二之象、

在占者言之、則為大通、而宜守柔節也、主乾也、君子有所往、

居先則迷、在後則得主、而利、大抵陽先陰後、乾居坤上、理當

然也西南坤方東北艮方凡經言西南皆為坤言東北皆為艮也安處本方則離於巽離兌而得性之對方則隔於乾坎震而養朋唯安於正為吉也坤以安常守靜為德故其象占如此

至哉坤元萬物資生乃順承天

釋彖辭元義大哉贊乾德之周偏至哉贊坤德之純一也

陽主氣陰主形生者形之始故物之有形莫不資坤以生也乾元始之坤元生之稊唱即隨乃順承天道而成其功也乾不言地而坤必言天陰之不可无陽蓋如此坤厚載物德合无疆含弘光大品物

咸亨

釋彖辭亨義无疆天運无窮也地以厚載為体天以運行為用地之厚載其德足以配天運之无穷也含弘以

載物之量言光大以育物之功言

北馬地類行地无疆柔順利貞君子攸行

先迷失道後順得常西南得朋乃與類行東北喪朋乃終有

慶

釋彖辭利貞及君子体坤之義坤德為柔順後並同上文无疆以氣言悠久无疆也此无疆以形言廣大无疆也北

馬其性柔順而貞君子所行當体此也失道失坤之道得常得坤之常陽為始陰為終居西南則在使而得類往東北則

失道而喪朋必退而安貞之吉應地无疆地所以无疆者以其安貞也君子能

體安貞之德則應地勢坤坤象為地使並同上下皆坤然非地道之无疆矣

以勢言以君子以厚德載物法重坤也

初六履霜堅冰至六陰數故柔為六本下故有履象初陰故有霜象堅冰積陰所成履霜而憂其堅冰聖

人抑陰之意微已見於坤之初爻矣

履霜堅冰陰始凝也馴致其道至堅冰也馴順習也言陰長之勢

六二直方大不習无不利內守中正故有直象得地之位故有方象直謂中元私曲方謂外有定規

內直外方故其德盛大施之行事不待重習自无不利順之至也習與習坎之習同二在初卦故有不習之象

六二之動直以方也坤之時用在不習无不利地道光也

道也故盛德在五坤正道也故盛德在二

六三含章可貞武從王事无成有終

章陽之發也以柔居陽故有含章之象可貞非正也

謂柔有造然亦可守此之正也或適然也位在下卦之上有武從王事之象適然而從王事唯含其章美不居成功則解有終无成有終亦皆三象

含章可貞以時發也武從王事知光大也

含章有非不發也俟時而已武從王

事而不居成功非知之光大不能及此漢張子房有為

六四括囊无咎无譽

括結也坤為囊四重陰而過謹密自守括囊之象其占為无咎且无譽也當閉藏之

時譽之獨有善於咎者

括囊无咎慎不害也

謹則无志

六五黃裳元吉

黃地之中色也裳下之飾也在坤之尊位故有此象居尊而文之以中順大善而吉之道

黃裳元吉文在中也

中謂黃

上六龍戰於野其血玄黃

龍乾也坤積至上勢與乾擬故相敵而戰說卦曰戰乎乾位西北

之後坤盛戰乾、坤并廢天地之氣雜而相傷是以其血玄黃也、以卦氣推之六陰既極一陽將生其時為建亥之月陰

極盛陽方萌故拒陽而戰也天地間元陽之時故稱龍上居升極故稱野將變為震故稱玄黃詳見或問

龍戰于野其道窮也

旁謂卦極乾元而悔者君子之道過也冲旁而戰者小人之事惡也陽善

陰惡于此可見

用六

者數六為老陰八為少陰遇六爻利永貞永貞謂永守其

德也坤變之乾利在永貞不能永貞則陰階陽事而為戰矣戒者利在此也乾之坤則許其能柔坤之乾則不許其僭

剛易之教蓋如此

用六永貞以大終也

剛一而大柔二而小大謂乾也所以利永貞者蓋以其變而終于乾也

乾元亨利貞坤元亨利牝馬之貞四德皆同而健順不同也乾健而亨故多言元亨利貞之用詳六爻之德大率皆元亨利貞而

利貞者特動中之靜耳坤順而致故多言利貞之休詳六爻之德大車皆利貞也而元亨者特靜中之動耳然陽赫莫陰陰不可无陽是以乾之四德渾然具足辨曰使得主利曰安貞雷不再及於元亨也此陰陽之辨也

三三 震下 坎上

屯元亨利貞勿用有攸往利建侯屯鬱結也繼乾坤之後為卦以震過坎為事物始生而未

通之義屯元亨利貞屯當大亨然必貞而後是以乾也勿往坎在外也利建侯震在內也內立主則外自定當屯之初勿往可也生民之始若此而已凡輕言勿用有攸往者不必往也言不利有攸往者不可往也

屯剛柔始交而難生釋卦名義剛柔始交震也難生坎也剛柔始交故屯有萌發之象難生故雖萌

發而鬱動乎險中震德動坎德為險使並同大亨貞雷雨之動滿盈天造

草昧宜建侯而不寧釋彖辭雷震象兩坎象物之始生未有不資于雷雨是以長男中男繼父母而

用事也陽主盈陰主虛天地初闢而物滿盈者陽有餘而未舒也天造猶言天運所為草雜亂也昧冥晦也侯初也時當

革昧民衆未有所一急宜立主不可寧也屯以初為成卦之主蓋為屯者坎亨屯者震是以衆柔當依於初宜亟建也

雲雷屯坎象為雲震象為雷後並同坎在震上雷作而未成兩屯之象也○坎之取象雲也雨也泉也水也天一

生水坎居正北為有氣之最先故乾坤之後即繼以坎或屯象需訟師比之卦然雲又雨之先泉又水之先故屯需之坎

稱雲象之坎稱泉自此三卦之後皆曰雨君子以經綸治屯

曰水不復言雲言泉矣此形氣之漸也
亂熱急而无緒則愈亂矣經引之
也綸緯之也治之有條之謂也

初九磐桓利居貞利建侯
磐桓震動而旋之象初貞震剛能為之才志在自為而居屯處下故磐桓

也時之方屯未可運動故初之所利在居正柔不自立必附于剛故民之所利在建初以為侯也迫而動不得已而

起則可以濟矣屯難之世苟不待民之歸已而冒為以出是首難也何乎屯之有

雖磐桓志行正也
磐桓欲進非為邪也反覆詳以貴下賤大

得民也
陽為貴陰為賤為民

六二屯如遭如乘馬班如匪寇婚媾女子貞不字十年乃字

不遭

進也班相牽不進貌如語駁二正應在五初近而偪故駁從五而未遯也寇初也婚媾五也匪逼于寇則與五婚媾矣女

子二也曰女子者別其未嫁也女子許嫁并而字二守正十年乃得從五蓋數窮必通理正終合屯之道也震坎皆為馬

故二四上皆有為象居屯故有班如之象卦有五坤十坤數凡又言十者皆坤也義並見答問

六二之難乘剛也為乘初也凡柔承剛為順乘剛為逆十年乃字反常也復其常道

六三即鹿无虞唯入于林中君子幾不如舍往吝

即就也鹿指上也虞人

也屯民求主之卦三雖居陽而无剛德柔處震極震決躁非民主而欲求民无應妄動為即鹿无虞之象坎為隱伏求而

不應為唯入于林中之象君子知我不如舍之往而即上必致吝窮戒在者當靜以處屯也三以柔居剛故有此失然猶

幸其居陽而能悔故戒以不如舍詳答問

即鹿无虞以從禽也戰之小君子舍之往吝窮也
卦極

戰之小君子舍之往吝窮也

六四、乘馬班如，求婚媾，往吉，无不利。四應在初，乘馬班如，四敵

四也，以柔從剛，正也。待求而往，順也。兼斯二者，是以言无不利也。屯難之世，剛宜有為，柔宜退守，不可躁動，必待求而往，可也。卦唯二、四為有應，故皆言婚媾，然四所應者，害成卦之主，故又辭最吉。

求而往，明也。

九五、屯其膏，小貞吉，大貞凶。亨屯者初，成屯者五也。五坎體虞

膏之象，屯難之世，滋其膏澤，失君道矣。小柔也，大剛也。剛舒柔歛，小者以屯為正，則吉；大者以屯為正，則凶。

屯其膏，施未光也。所以未光者，以其有所私也。義詳見發例。

上六、乘馬班如，泣血漣如。屯，柔依剛之時也。乘馬者，欲往而求

言之，夫上之欲依者三也，則似剛而非剛，故班馬而繼以泣血也。血，坎象。

泣血漣如，何可長也。求至于傷，何以能久。○屯鴻荒之世，柔求剛，民稠君之卦也。人物方生，奉衆相

陸奇往而犯難則无統而愈危唯聚而主主則有依而自定
卦辭所以戒勿往者為此故也卦有二剛宜皆為柔之所求
而獨歸初何也初以貴下賤動而能為蓋有亨也之德者時
之才也苟高貴自賤歛德不施天下去之矣民同欲得主又
未常不擇主也是以不歸五而歸初以時位言之震為六子
之長也乾乾坤之後萬物始生則震之初為氏主固當也

三三
坎下
艮上

蒙亨匪我求童蒙童蒙求我初筮告再三瀆瀆則不告利貞

也乾坤之後長男中男用事而少男次焉物初小而蒙昧也
故蒙繼屯為卦以坎遇艮為內欲達而外見止之義亦風氣
未闢之時也蒙亨蒙有亨道二坎休刑中為治蒙之主故稱
我童蒙五也艮為少男故稱童童柔暗明明凡柔爻皆為蒙獨
五為知所求者五之資既善而又得應也元剛爻皆足以治
蒙獨二為主者二之位既中而又得時也初筮告因其誠也
瀆則不告防其昏也童蒙專一故有初筮之誠柔性多蔽
故有再三之戒利貞蒙養之道利在正也初筮養見祭例
蒙山下有險險而止蒙擇卦名蒙艮象為山德為止後並同
山下有險以卦象之勢言故艮險而

此以卦德之叙言故先坎傳之通例也蒙亨以亨行時中也

既險而止莫知其所以適矣是以為蒙釋彖辭蒙以止而蒙以亨而行也所以然者二以時中之道達達之也行坎流之蒙匪我求童蒙童蒙

求我志應也五應二也艮止疑靜虛初筮告以剛中也凡言中以求于寔故其志來初筮告以剛中也

中也者皆指坎也坎性內明故有能告之象再三瀆瀆則不告瀆蒙也非嫌問者

慮告者煩蒙以養正聖功也既告之无宜養之暫得易失暫而瀆蒙也

性不使之搖也作聖之功不越乎此皆謂五山下出泉蒙于

也艮休止故有能養正之象蒙詳見發例

曰泉水之始出者君子以果行育德果行坎也立志在先必行而有漸也君子以果行育德

初六發蒙利用刑人用說桎梏以往吝初九二發蒙發之通宜用刑人以警之也既警之必寬之故又說其桎梏蓋君子之待下愚俾知懼而不為惡則已不能責之盡善

也若過此以往一于用刑則致吝矣爻辭雖屬初然寔為九二言之也故為律故有刑人之象桎梏亦坎象足械曰桎手

辨司

利用刑人以正法也正法以祭之而巳

九二包蒙吉納婦吉子克家二為武卦之主初柔在下陰之稱

通為也蒙之象婦三也納二納之也三來比二為納婦之象子二也克家克五之家也處內能幹又為子克家之象包蒙納婦以此言子克家以應言

子克家剛柔接也又蒙以正應為重故傳特釋子克家二言于五言重二之自處于也五之待二師也

六三勿用取女見金夫不有躬无攸利柔不中正蓋發而流于

邪者故此爻獨不言蒙但于應爻見之女三也金夫二也不有躬言失身也故性就下不能上應反附於二女之失身者也勿用取女戒上勿取三也失身之女飛之持不利於已爻辭雖屬三然實為上言也

勿用取女行不順也從二不順又言乎變二納之而吉上取之則不利情有異也

六四困蒙吝

位遠於剛，承柔皆柔，而元應困于蒙者也，故吝。

困蒙之吝，獨遠實也。

實，剛也。卦之四柔，唯四獨遠于剛。

六五童蒙，吉。

艮柔居尊，虛中以順聽于二，童蒙之象，吉之道也。漢昭帝有為二之事，五，伊尹周公為焉。

童蒙之吉，順以巽也。

上九擊蒙，不利為寇，利禦寇。

上亦剛也，位止外極，不若二之得中，得五，故二為卦主也。擊蒙，上擊三也。

三也。三當應上，乃失身于二，故上擊之也。寇，坎象，三也。禦，止艮象，上也。以上討下，其勢至順，其占為不利為寇，而利于

禦寇者。

利用禦寇，上下順也。

以上討下，順也。○蒙，結屯之後，屯者物始生而未通，世運之塞也。蒙者，物已生而未明，人心之塞也。世運未通而屯，故時用以得君為先；人心未明而蒙，故時用以得師為主。乾坤開闢之後，最急而不可後者，其唯君師之道乎？夫君師之道，陽道也，故二卦皆以

柔求剛也。屯以剛為君，蒙以柔為君，皆以安民也。安民不可自專，

哉曰以責下應大得民也蒙以剛為師也也有所以明道也
明道不可自枉故曰匪我求童蒙求我也蒙之吉占萃于
二五以本末致之蒙之初不通用刑蒙之極遂
至樂題孟人情趨善難而趨惡者其勢然矣

三三 乾下
坎上

需有孚光亨貞吉利涉大川需頃也為卦內乾外坎陰在前

需有孚坎中實也光亨貞吉坎得位也皆謂五也五剛處中
正與乾同德為需之主下之三剛始隔于四之陰而未進既
有五之援則可以進矣利涉大川乾涉坎也已有才而
無需上有援而可涉始未利而後利之占也大川見彖例

需頃也險在前也剛健而不陷其義不因窮矣釋卦名義乾

坎體為陷後並同剛處柔虛履之必陷坎之義也三剛上進
隔于六四之陰見險而待不為所陷所以不因窮也不因謂
終能涉凡彖傳之言窺多謂卦終也需有孚光亨貞吉位乎天位以正中也利

涉大川位有功也釋義龍上文以卦義言主乾此以卦位言
主五也需久必涉下之三剛志在上進五

字子三剛、又待其進、同德相須、故克涉也、往謂自內卦而往、昔之當需者、以其有四也、今之可往者、以其有五也、雲

上于天、需、君子以飲食宴樂、雲上于天、陰氣方待陽而升、未

能為雨、然時至則自雨矣、君子

初九、需于郊、利用恒、无咎、

初九坎最遠、其象為需于郊、當需之

恒、无咎也、郊、

需于郊、不犯難行也、利用恒、无咎、未失常也、

經文曰、恒者多

者、多指理而言、處

九二、需于沙、小有言、終吉、

沙、稍近于水矣、乾剛尚進、需、待于沙、

居位得中、與五同德、協志以需、四終、順聽、故

需于沙、衍在中也、

居中也、

雖小有言、以吉終也、

九三需于泥致寇至

泥通于水，致寇，坎象四也。三最近坎，是以四寇之也。需久必進，蓋事有不可不為又

不可輕為者三之時位是已

需于泥災在外也

坎為外卦

自我致寇，敬慎不敗也

需泥致寇已自召也，初无

咎，二終吉，三不言凶者，蓋雖處于泥，猶為需于內者，苟加敬謹，可以不敗。

六四需于血，出自穴

血穴皆坎象，需于血者，柔拒剛而自貽其傷也。出自穴者，柔避剛而安其所也。需

雖為坎險之卦，然乾剛有援而盛柔不祿陷，故有此象。

需于血，順以聽也

順聽乎剛戒小人當如此也

九五需于酒食，貞吉

酒食坎中實之象，剛居中正，下接三剛，安養侯時，故需之正故吉。

酒食貞吉，以中正也

上六入于穴，有不速之客三人來，敬之終吉

凡坎之陷在下三剛不進，四宮尼之

故或需之陷者，在四、上居外極，非為陷者也。位速于乾，于已无惡，得安其所，為入于穴之象。三剛在下，需極而進，為不速之客。三人來之象，四與剛競，故傷。上若能敬待，則剛不犯已，終保其吉矣。此雖為小人謀，宴亦為君子謀也。

不速之客來，敬之終吉，雖不當位，未大失也。

不當位，義見祭例。○需之名義。

本以乾健在內，而成需卦，辭乃專主九五何也？曰：乾處于內，止為需而已。九五在上，需乾剛以進之，而成濟涉之功。凡需所以亨者，五力也。成需在乾，用乾在五，故五為主也。然需剛需也。六四亦曰：需于血，何也？曰：三剛將進，柔欲陷剛，故使亦需以俟我也。卦唯上六不言需，元所需也。下則速于坎而无所忌，上則安于坎而无所待。處需之外者也。要之需者，剛得位得類，足以有為之卦也。猶有需為以其時之未至也。時未至，則為需時。至則為涉矣。上六曰：不速之客來，言來者明其已涉也。三剛同需，自于郊于沙于泥，以至越四就五而至于上，然後需之功成。然則需之才德若通，鈍而宴敏速也。以卦住推之，乾居西北，坎寔次乾正當貞固休息之時，非需何以哉。

三三 坎下 乾上

訟有孚窒惕中吉終凶利見大人不利涉大川訟乎辯也為卦上乾下坎內險

外健故為訟有孚窒惕中吉者二也二中寔為有孚之象

在陷為窒惕之象剛中為中吉之象也終凶者上也利見大

人五也不利涉大川坎在下也戒占者誠寔不妄訟窒惕不

輕訟適中不終訟又宜見大人以直其訟不宜行險以陷于

訟也卦無此象故以設戒○需坎得其位故有孚先亨訟坎失位故有孚窒惕

訟上剛下險險而健訟釋卦名義分卦体而言上以剛制下

下以陰陷上此剛彼險為訟之義合

卦健而言內險訟有孚窒惕中吉剛來而得中也釋彖辭剛

升健亦訟之義訟有孚窒惕中吉剛來而得中也來得中者

二自乾來變而成坎終凶訟不可成也雖得衆統

與无妄初九同義終凶訟不可成也訟何可成利見大人

尚中正也尚崇之也所以利見五者崇其中且正也二為難

而首訟上剛極而終訟五中正而聽訟故終凶立

三爻不利涉大川入于淵也淵深險不測之所行險虎作險

言之不利涉大川入于淵也陷而愈深小人之事需訟皆有

坎故皆言大川然或利或不利者需上坎也天與水違行訟

其陷淺故宜往訟下坎也其陷深故不宜入

天西轉水東趨其行相違為訟之象君子以作事謀始作乾也謀坎也作

初六不永所事小有言終吉初應在四此于三而爭之未與

不永所事之象在訟之初其爭尚淺為小有言之象四復即命故終吉也

不永所事訟不可長也雖小有言其辯明也

九二不克訟歸而逋其邑人三百无青二无與應而前有六

爭者也三正應在上為健極二為險主故兩剛相敵而訟然上尊二卑上直二枉有不克訟之象二本自乾來坎為隱

伏有歸而逋之象其邑人三百户小國下大夫之制也窳不據強伏於小邑以示不競亦可免青二位在中非怙終者故

其象占如此

不克訟歸逋窳也坎之情狀自下訟上患至掇也患至如掇言其易也

六三食舊德貞厲終吉或從王事无成祿以德稱食舊德猶言享其素分也凡訟生于

不安其素三才難非為訟者唯處不當位以一柔而介兩剛之間故有爭之而致訟者為三能循舊固守以從正應則雖厲而終吉矣或適然也位在下体之上有或從王事之象適然而從王事不可居其成也居其成則爭之者至矣坤言或從王事无成有終亦六三也訟不言有終者訟不可終也貞厲義見發例

食舊德從上吉也

上謂上九

九四不克訟復即命渝安貞吉

又有兩不克訟皆因三而言也四不中正下比於三亦敵爭之

然三當從上其義勿克故亦有不克訟之象命謂定分所當爵者初也又欲爭三是不安命也退復本位以就正應復即命也渝變也能變其初為爭訟之心而安於正則吉也四居陰非過剛者故其象占如此

復即命渝安貞不失也

九五訟元吉

剛居中正聽訟之主既中且正元偏无私大善而吉

訟元吉以中正也

上九或錫之鞶帶終朝三褫之

或適然也鞶帶係于下体而柔者也二四皆不克訟而退三服

于上故有或錫之鞶帶之象上過剛而居高訟勝而侮衆所不予故有終朝三褫之象即彖辭所謂終凶也

以訟受服亦不足敬也

言亦者舉此以見彼也聖人之微辭也○訟六爻自九五所訟之外唯六

三不訟然三雖不訟乃訟之所由起者以一柔介兩剛之間二首爭之四輟爭之于是訟之勢成但四與上本同侪故其

訟也不至于甚不克而反則謂之復也者言復其常也二與上為乾坎之過故其訟也遂至於深不克而反則氣者

智力俱困而逃為者也二據坎正上居健極比之他爻唯此為甚故訟四又皆吉獨二上不言吉也卦辭以有孚窒惕中

吉言二與爻辭不合者大率卦言德而爻言情卦道其常而爻推其變矣

三三

坎下坤上

師貞丈人吉无咎

師兵衆也坤為衆有師之象卦唯一剛在陰而居臣之中位衆皆順之有持權專一之象

兵凶戰危聖人謹之師貞師必出于正也丈人疑當為大人與因彖辭同謂九二也建安蔡氏曰吉无咎有二義如師九

二言吉而又无咎也如益初九
萃九四言當復吉而後无咎也

師衆也貞正也能以衆正可以王矣剛中而應行險而順以

此毒天下而民從之吉又何咎矣釋卦名義及彖辭衆坤也

正則人歸之而可以為王者之師矣剛衆則得衆有應則得

君將之善也行險而順者卦德也險謂兵順謂人和師之善

也毒猶毒藥攻疾之毒之者正地中有水師水伏于地猶

所以安全之也民從謂衆衆從之也

之象君子以容民畜衆衆謂師衆古者兵民為一民富則兵

也強民困則兵削君子休衆唯容民則

可以畜衆矣三代聖人皆用此道後世民兵既分符敵強兵

必先虛其民是猶伐木之根而欲冀其枝葉之茂也悲夫

初六師出以律否臧凶初為師之始故以出師言律法也坎象

爻柔故

寓戒辭

師出以律失律凶也

九二在師中吉无咎王三錫命

二處衆柔之中居任人服能用其衆其衆為在師中其占為吉

而无咎錫命五錫之也禮有一命再命三命皆所以賞功二五皆中是以志合

在師中吉承天寵也

得應王三錫命懷萬邦也

六三師或輿尸凶

以柔居陽乘剛之上无其才而欲當其任者與尸衆主也師推責專二已帥師三或參

之其敗必矣輿輿思之于李无何是已

師或輿尸大无功也

六四師左次无咎

師行尚右左次不進也以柔居陰故有左次之衆自知其才之不足而次焉補過者也

左次无咎未失常也

六五田有禽利執言无咎長子帥師弟子輿尸貞凶

田畋同禽獲也居尊

得應剛為已用故為田有禽之象師有大律不可縱失利在執也柔位多退故進之長子二五震也弟子三柔小也二既

帥師三復主之任賢不專雖正亦凶
柔性二三故戒之貞凶義見於剛

長子帥師以中行也

二以

弟于與尸使不當也

三不

上六大君有命開國承家小人勿用

上為師終故以定賞言大君五也國家坤象小人柔

象指上也功成定賞大者開國小者承家所以報也行師之時成功不一若小人可賞之而已不可以其有功而遂任之也五上同休故有此戒

大君有命以正功也小人勿用必亂邪也

行師止亂于今勿用小人防亂

于後○師以一陽用積陰蓋生意寓慘殺之中至仁藏威武之內師之義也兵事嚴重國命所寄聖人謹為六爻辭多設戒而吉凶皆未定也初當出師之始行必以律否滅則凶五為命將之主長子宜帥弟子則凶也三以非據而凶四以知退元咎至上六當師之還歸尚以勿用小人為戒師之當謹蓋如此後世輕用兵而不擇將是以國奉敵也嗚呼慎之哉

三三

坤下
坎上

比、吉、原筮、元永貞、无咎、不寧方來、後夫凶、此親附也、為卦剛中居尊柔皆順之為合

萬民以附一人之象、此吉、道也、祇剛危、比則吉也、原再也、筮占此身于天也、即同官、筮比也、民來比已、固有辭之而不吝者、然天位至重、不敢貪也、當再筮以自審、元永貞、君德也、元以長人、所以善始、永貞有常、所以善終、筮之既審、又能全君德之始終、然使當民心之歸而元咎、不寧方來者、初也、初既在下、未得所安、故方來、後夫凶者、上也、上居最後、衆已比附已獨後來、後夫之象、故凶、卦之時義為人所比者、不可不審、此人者不可不先、

比、吉也、比輔也、下順從也、釋卦名義、下順謂坤、原筮、元永貞、无咎、以剛

中也、釋彖辭、原筮、重坎之象也、元永貞、五之德也、故曰原筮、元永貞、无咎、以剛中也、剛中指坎、不寧方來、

上下應也、上謂五、下謂初、後夫凶、其道窮也、寬謂卦之極、地上有水、比、先

王以建萬國、親諸侯、水居地上而必親地、猶君居民上而必親民也、以一八撫萬邦、其勢不能人、

而比之王親諸侯、諸侯親其民、所以比也、卦言下比上、此言上比下、

初六有孚比之无咎有孚盈缶終來有它吉凡言字者多因于勢之不孚也初去

五至遠最比最切在下之人能知所比故得无咎然竟終而巳未得為吉也柔為虛主取虛而能承之象初若復能積其

孚信至壯盈缶不特可以求比于五雖五亦符觀之故曰終來有它吉五非應比故曰它二四皆得承應之正故皆為貞

吉而不謂之有它吉也

比之初六有它吉也

六二比之自內貞吉內卦也二自內之中上比于五得比之正故吉

比之自內不自失也自義同自暴自棄之自小畜履九二義並同此

六三比之匪人柔不中正比于上六為比非其人之象

比之匪人不亦傷乎上固以侵比而凶矣三又從而比之是自貽其傷也隗囂之附公孫述是已

六四外比之貞吉外卦也外比賢主亦得比之正者也故吉

外比于賢以從上也

九五、顯比、王用三驅、失前禽、邑人不誡、吉。

剛為顯柔為冥一剛首出中正開廓以示

天下為顯比之象、田獵三驅之禮、開其一面、不使合圍、驅獸而歸之、三則已、凡逆來者不射、往去者射之、愛其來而惡其去也、衆柔來比、則舍之、上六去已、則取之、神武不殺、為王用三驅、失前禽之象、邑人在內之人、五行納附、綏來之德、凡為屬者、各知上意、不待告戒、自不暴犯、為邑人不誡之象、顯比之道、遠則附者咸得其祐、通則臣下悉化其仁、德之至也、故吉、顯比之吉、位正中也、舍逆取順、失前禽也、

逆謂逆驅而前來者、舍猶順服則舍之

之舍順謂順驅而逃去者、取猶取彼在穴之取、邑人不誡、上使中也、

中不過也、五正中而下協于中

下言而喻上、定有以使之也

上六、比之无首、凶。

元柔以剛為首、九五居尊、元首之象、上據五上、首反居下、處比之時而无首者也、情逆理

悖、其凶可知

比之无首无所終也

始既不比終行為記○一剛五柔之卦也一剛而五柔唯比為盛復剛在初師

剛在二謙剛在三豫剛在四唯比居五為正中也吉所以明君道也六十四卦自乾坤開闢之後更屯蒙需訟師比凡六卦皆有坎屯蒙需訟師卦辭皆言險至比始不言險但以一剛五柔為柔豈非聖人出人心一而後險難乎蓋天地自然之運矣象辭特取三驅之象大抵真主既出羣數影從以生疏開民心之歸附以威武服天下之叛逆是固陽統陰之道也六三比于匪人占宜凶矣而不言凶唯上六无首然後以凶言之然則非僭偽如上六雖昏迷如三者五亦赦之矣犬傳所謂聰明睿知神武而不殺者與

三三 乾下 巽上

小畜亨 密雲不雨 自我西郊

小畜小者畜也為卦巽居乾上以一柔而固五剛用小畜大故曰小

畜小畜亨小者亨也四以巽柔為畜之主其曰密雲者陰在上而特盛也曰不雨者陽受抑而不和也曰我者四為主也四巽兌体兌升成雲曰西郊者明雲之為兌也義見符例及或問遇此卦者為居上得志而施則未行之占也

小畜柔得位而上下應之曰小畜

釋卦名義此柔得位之始也傳于剛得位未當責至

柔得位則謹書之所以明其健而巽剛中而志行乃亨

釋義

德為巽後並同健巽以卦德言畜之通剛中以卦位言畜之勢也蓋四節為成卦之主然柔居臣位其勢不順其力

不云五以剛居中與四同體下畜是以小畜之志同行故曰剛中而志行乃亨乃者有待之辭也公羊傳曰乃緩辭也

密雲不雨尚往也

往而之上也凡陽為陰閉則降而為雨不雨者以下之三陽崇尚乎往也

自

我西郊施未行也

雲出於西故不成雨

風行天上小畜

巽象為風後並同氣以質閉風

行天上非能固者為所畜者小

君子以懿文德

文德柔德也懿美其文德

而已未能如大畜多識

而言往行以畜其德也

初九復自道何其咎吉

初剛乾體乾本在上故以復言位遠于四不為所畜志在上進為復其自己之

道能全其為乾者也夫不復咎也復則何咎之有故斷辭不曰元咎特曰何其咎所以明義之當復也六爻唯初最吉一

託道猶跡也、循其道而復之亦通、

復自道、其義吉也、

九二、牽復、吉、二漸近于四矣、故不能如初之自復、但其位在中、與初為比、牽而復、不喪其為乾者也、

牽復在中、亦不自失也、牽初而復、故言亦、

九三、輿說輻、夫妻反目、輻、輪輻也、三四切近、情偏于柔而不能進、喪其乾德者也、故有輿說輻之象、夫

三也、妻四也、以柔畜剛、故有夫妻之象、目、互離也、合非其正、勢居柔下、反為所制、体本乾剛、故不能平、又有反目之象、

夫妻反目、不能正室也、先不能正己、故不能正室、罪在于九三、

六四、有孚、血去惕出、无咎、有孚、信于五也、臣畜君之事也、血、陰受傷也、血去者、无傷也、惕出者、憂去

也、三剛上進、四以一柔制之、將受傷矣、唯其獲信于上、資五之剛、藉五之勢、是以血去惕出而无咎也、處近君之位、柔承

其入、終遂其志、故有此象、

有孚惕出上合志也

体同故志合即彖傳志行也

九五有孚攣如富以其鄰

有孚，四也。李如同体而固也。富，其鄰者一，不富以其鄰者二。得乾也，以其鄰五用四也。又言富以

其鄰者一，不富以其鄰者二。皆陰盛之卦也，並見啓例。

○ 同体為素異体為交。凡言李用狹小畜中孚是也。言交如者，狀其

孚之融惕也。而其用大，有是也。

有孚攣如不獨富也

與四共之

上九既雨既處尚德載婦貞厲月幾望君子征

凶。三爻皆同体也。四難為

主。然終四之功者，實在于上。蓋三几于四而不和，猶有進意。

三上相對，上止之，則三不能進矣。陽終與陰和，故為既雨之

象。三終不得進，故為既處之象。尚德載者，其上乾下是崇尚

柔德而載之也。婦貞厲者，乾陽與陰上雖剛又處陰位，自乾

視之，則為婦矣。婦勢大盛，以此為正危厲之道，為其戒也。月

幾望，太陰敵陽也。君子指初與二也。陰既敵陽，苟復征則不

相害而相害矣。為乾戒也。值此占者，在小人則傷于

通盈在君子則忌于直前。兩月幾望，義並見啓例。

既兩既處德積載也自四積至上君子征凶有所疑也乾與

○小畜有臣專君事婦專夫事小人專君子之事之象也故

彖雖取巽之辭畜妄幸乾之尚往所以明陰陽之大分也夫

乾之剛健本非六四所祿畜巽有二剛與四同體四得位乎

上能承而畜之故二剛反與之合下而制乾人但知乾畜于

巽以為剛柔乎柔不知六四柔中有剛是以柔而祿固其在

他卦剛柔不相得則剛與剛合謂之同德需之初二三五大

畜之初二三上是也唯小畜乾三剛自為一類巽一柔二剛

自為一類此其異也聖人于小畜之初則喜剛之能復而許

以吉豈其終則慮剛之復進而戒以凶時不同也故小畜者

臣畜君婦畜夫小人畜君子之時也邵子曰其與也末有不

錄于君道盛父道盛夫道盛君子之道盛中國之道盛夷狄之

也末有不由于臣道盛子道盛妻道盛小人之道盛夷狄之

道盛至哉言乎柔盛畜剛情雖未入于惡適寧不由于正聖

人謹為經之微辭已見上九傳又著之曰柔得位鳴呼自乾

坤既變之後更也蒙需訟師比无不以剛為主至小畜而柔

始得位自茲以後歷復否同人大有始皆以柔為主而否觀

漸遯始亦從是而生

吁可以觀世變矣

三三

乾上

履虎尾不咥人亨

履進而躡之也為卦上乾下兌乾剛居上有虎之象卦唯一柔為成卦之主居不當位承

乾之後以柔躡剛下躡上天下之至危也有履虎尾之象本兌悅以應乾有不咥入之象其象為化剛而柔誅和私

處暴得履危之道故亨也大傳以履為九卦之首蓋取此

履柔履剛也

釋卦名柔剛也三也剛乾也

說而應乎乾是以履虎尾不咥人

亨

釋彖辭主兌而言也兌德為亨說後並同應乾謂應五也

剛中正履帝位而不疚光明

也主乾而言也疚久疾也剛謂乎柔久則為剛之病矣卦唯

一柔本剛之所悅五乾德中正位非其應不為所悅是以履帝位而不疚內省不疚則光明矣亢言光明者由內无所

憾也又陽在上之象也新安王氏曰疑履帝位而不疚為經之本文而傳以光明上天下澤履兌象為澤後並同至尊莫

釋之也理或當然易履之象也卦言下君子以辯上下定民志夫欲天下各偕履上象言上履下其常履莫若以

定民志為先故定民志莫若以辨
上下為急上下定則民志定矣

初九素履往无咎

履道貴定卦之剛爻皆得其所履者也初以剛德居履之始雖與柔同体不與同柔道為

率其剛德之素而行无咎之道也

素履之往獨行願也

不同乎柔

九二履道坦坦幽人貞吉

居下得中為履道坦之象三以柔承剛為履之主二守剛德不與柔合

靜退自守以居于陰幽人之象守履中正故吉

幽人貞吉不自亂也

不亂于柔

六三眇能視跛能履履虎尾噬人凶武人為于大君

以柔居陽為履之主

体柔志剛而欲強為者也兌柔毀折故有眇跛之象居陽故有能視能履之象在下卦之上終乾之使而進故有履虎尾之象噬乾傷兌也才德不足處不當位而欲主一卦之極凶之道也宋襄公之事當之武人居下卦而用柔剛之象也太

君以一柔而主五剛是為大者君也齊桓晉文之事當之眇視跛履詳發例

眇能視不足以有明也跛能履不足以與行也啞人之占位

不當也武人為于大君志剛也

居三

九四履虎尾愬愬終吉

四履五之後多惧之地亦為虎尾之象愬、恐惧貌雖剛居陰能存恐惧終保

其吉矣

愬愬終吉志行也

九五夬履貞厲

夬剛決柔也柔不中正雖乾而進五剛正不受其說為夬決其履之象當夫而夬五之履正矣

然傷于太剛故雖正而厲易為君子謀也○履之三即夬之上也乾上兌下而為履乾下兌上則為夬矣故履亦言夬

夬履貞厲位正當也

上九視履考祥其旋元吉

上雖剛極而與三應體乾應兌外剛內和居履道之成方也考成也祥吉

微也。故反也。視其所履以成吉。微唯不極其剛。能反之於和。則大善而吉。若一于剛而不知反。則失之矣。主處履終。故有視履考祥之象。應兌故有其旋之象。○又言乎交三本為和。以居陽而志剛。故為凶之道。上本為剛以應兌而知反。故為吉之道。

元吉在上大有慶也。

○履六爻皆以安靜恬和為美。以剛躁果銳為失。初安其素履。二守其幽貞。三

以志剛而凶。四以愬而吉。五以夬履有厲。上以其旋元吉。悉以和為尚也。然履之正義有取于兌之和。无取于柔之悅。柔之求悅。此柔之常情。剛苟悅柔。則失剛之正矣。故履虎尾而不咥者。柔處剛而不得其和也。履帝位而不疚者。剛處柔而得其正也。履雖以柔成卦。然失位而危。不足為一卦之主。五剛同德。一柔介其中。无譏之責。是以剛得用。柔不得用。

三三
乾下
坤上

泰小往大來吉亨

泰通也。卦合坤乾而成。陰小下往而之上。陽大上來而處下。陰陽交通為泰之義。又外之

往者日消。內之來者日長。陽氣充長。亦泰之義。吉亨吉而且亨也。

泰小往大來吉亨則是天地交而萬物通也上下交而其志

同也

釋彖辭上下二五也此言往來之機

內陽而外陰內健而外順內君子而

外小人君子道長小人道消也

內健而陽用事外順而陰順從此言大小之於天地

交泰

故曰天地交以氣而不可以地加天也

后以財成天地之道輔

相天地之宜以左右民

道謂四時推遷宜謂物產所宜左右助也時當交泰于斗為建寅之月后

宜財成天地之道以授人時輔相天地之宜以植民利蓋以此左右于民也

初九拔茅茹以其彙征吉

茹根也言在下也初處最下二為泰主援而出之為拔茅茹之象以用也

彙與類同指初也征往而之外也二能用其同類則初為有援而征吉矣

拔茅征吉志在外也

外謂外卦君子進于內欲行其志于外也以其在下故志為而已義詳彖例

九二包荒用馮河不遐遺朋亡得尚于中行

陽健居中泰之主也荒遠也謂外卦

也二剛而不過能容衆陰為包荒之象鴻河謂勇有三以剛居陽過于勇者也互休有澤三居二前進而臨陰為用鴻河之象初在下位二爻援之為不遐遺之象三陽在內易涉于黨二中主不倚故又為朋亡之象量足以容小人之衆誠足以用度外之才下无所適內无所党二能義是四者故得尚崇于中行之道為泰主

包荒得尚于中行以光大也

能容故大无私故光

九三无平不陂无往不復艱貞无咎勿恤其孚于食有福

也三

當乾坤之間泰時變矣故以說戒陽无平而不陂陰无往而不復君子知泰之不予常唯艱難審處以守其正然後无咎勿恤勿顧慮也其孚謂陰不戒以孚也言三唯艱貞則能免咎可勿慮其陰之孚自可亨泰之福也處此時位當盡在我以聽在天而已

无往不復天地際也

坤乾之間

六四翩翩不富以其鄰不戒以宗

翩翩羣飛而下之義泰入陰位泰已變矣四當其際故率

其同類翻而下也不富不待陽也隣上與五也四以上善下本可得富唯志在下復故不在應陽唯用其同類之陰性喜下是以不待告戒而信從也○六四當陰之復曰翻不富以其鄰否九四當陽之復曰有命无咎是故小人用力君子用道

翩翩不富皆失實也上之三陰皆不得陽不戒以孚中心願也三陰之蓄此心

也又笑

六五帝乙歸妹以祉元吉帝乙成湯也言其尊也中順居尊屈體下應得陰陽交通之正中兼五兌

兌為少女故有帝乙歸妹之象其福為大吉也凡象辭指事者皆古人常占此爻而又有此象也如箕子高宗岐山西山彖並做此卦分言之則三陰皆在外之小人合言之則五獨為中順應陽之賢主爻之取象蓋如此

以祉元吉中以行願也

上六城復于隍勿用師自邑告命貞吝城在外而高者也隍城塹也城復于隍陰復本

位泰成而毀之象也師邑皆坤象陰柔方盛勿用師戒之也
自邑告命小者擅命也以此為正吝之道也○三言无往不
復上言城復于隍二義正相應也三當羣陰將復之候其事
猶可為故教以艱貞上當羣陰已復之時其事不可為矣則
變而之否而已
用師義見泰門

城復于隍其命亂也

三三

坤下
乾上

否之匪人不利君子貞大往小來

否閉塞也匪人非其人也小
人閉塞于內其占為不利君

子之正道也卦合乾坤而成陽大往于上而不反陰小來于
下而不通陰陽閉隔為否之義又外之往者日消內之來者
日息陰陽光長亦否之義先儒云之
匪人三字乃此卦錯簡理或然也

否之匪人不利君子貞大往小來則是天地不交而萬物不
通也上下不交而天下无邦也內陰而外陽內柔而外剛內

小人而外君子，小人道長，君子道消也。釋彖辭健順德也，剛柔實也，泰以德通，否

以氣賁開，天地不交，否。君子以儉德避難，不可榮以祿。儉德，餒

初六，拔茅茹，以其彙，貞吉亨。彖與泰初爻同，亦謂二拔之也。然泰言征，否言貞，當否之初，征非聖

人之所望，其能貞也。小人能變而趨于正，則可為泰之吉亨矣。故卦不待言而于爻言之，所以別正之為吉亨也。亨字

義大有轉否為泰之義，三百八十四爻罕言亨，得言者僅四爻而已，以其用非係于一爻而闕于一卦也。

拔茅貞吉，志在君也。陽為君，守其正者，志在君故也。泰陰在外，故初九曰志在外，言外者外之也。

否陽在外，則變其辭曰志在君，君不可外也。此聖人之微辭也。

六二，包承，小人吉，大人否亨。二成否者也，居內得外位，以承乎五，為包承之象。內藏不善，外為恭

順以奉上，此小人之吉也。否不也，大人則不為此矣。是以無亨也。占辭與遯九四同，皆寓戒也。義見於例。

大人否亨，不亂群也。羣，謂上下二陰。

六三、包羞。

三不中正陰邪之尤者前進害陽不復能承矣然下時過中時事已逼志在傷善而不得發之於外故為

色覆其羞之象

包羞位不當也。

中不正

九四、有命无咎，畴離祉。

凡命未至而動者咎之媒也四否符通之時也否泰之運非人所能為陽位而

復天之命也四當其時是有命也故无咎時匹也離麗也命通志行而已之匹類亦麗於福也自昔聖賢當人事之極未有不歸之天者故于泰言有福于否言有命而辭亦有先後輕重也

有命无咎，志行也。

九五、休否，大人吉。其亡其亡，繫于苞桑。

休息也當否之時志欲有為而有所待也唯有

大德大位之人則德副其位，副其時是以當之而吉矣苞桑茂也苞桑柔而在下之象指二也苞桑唯柔故難拔小入唯柔故難去二方包承志在攸主大人唯知小人之情狀故以其亡亡之幾在牽繫于苞桑也在姤初六柔牽于剛故曰

繫于金柅、否九五慮剛幸于柔、故曰繫于苞桑、義正相發、

失人之吉、位正當也、

傳言位正當也、凡四皆九居五也、然義有不同、履免失于恃其位也、否能用其

位者也、中孚能守其位者也、

上九傾否、先否後喜、

有命天也、休之傾之者人也、邵子詩曰、也由天道也、由人意正如此、○五休上傾、其

時固、甫有先後之殊、然休存中之象、傾在上之象也、

否終則傾、何可長也、

○泰否三陽三陰、陽平分之卦也、自乾坤八變而純休始合、乾陽開物、坤陰

開物、皆以內卦為主也、故泰之為泰者、止于九三、至六四則入陰之界限、雖泰謂之泰、然寔泰中之否矣、否之為否者、止

于六三、至九四則入陽之界限、雖泰謂之否、然寔否中之泰矣、既濟未濟亦然、

三三

離下乾上

同人于野、亨、利涉大川、利君子貞、

同人、柔同剛也、為卦五剛而一柔、以二為成卦之主、二自

內卦應外卦為以己同人之義野外也自內應外同人于野之象也柔无黨與同出于公故柔應乾而乾得用內外一心故利涉大川也君子謂衆剛也否以柔盛剛君子之正不行焉故不利君子貞同人親否之後陽運通矣卦以柔同剛君子之正得行焉故利君子貞曰利曰不利經蓋有深意焉利涉大川乾象義見卷例

同人柔得位得中而應乎乾曰同人釋卦名義小畜六居四

居二得位而又得中也同人曰辭舉象同人于野亨利涉大川乾行也釋

辭乾行言同人之時乾得用也否柔振於內而乾塞同人柔應乎外而乾行乃卦運也文明以從離德為文

明後至同卦有中正而應二五皆中君子正也唯君子為能此德所以能同中正而應所以情同君子正也唯君子為能

通天下之志釋君子貞義否以小人通而天下之志塞同人

利天與火同人離象為火後至同天位乎上火性炎上同之象也君子以類族辨物

族謂同類物謂品質人物所以失其同者以其雜也類之辨之則各得其同之正矣

初九同人于門无咎初為同之始前即過二為同人于門之象位此於二無過而爭故无咎

出門同人又誰咎也出門即過故入無得而咎之傳釋无咎又為一例

六二同人于宗吝同體曰宗二五畫位本為同內故為宗吝六五厥宗是也同人尚公二為貳卦之主所宜

恢弘公道乃專其同于五應雖出于正情寧幸於私三四爭之反以致吝自古趨凶者也

同人于宗吝道也

九三伏戎于莽升其高陵三歲不興卦唯一柔二五相同失之太睨是以剛爻之介其中

者皆有爭心三剛而不中此在柔而潛訟據之伏戎于莽者下據二也升其高陵者上窺五也三歲不興者邪不勝正也三不敢興五者則得過二矣離為兵戎戎兵之象也二居陰莽象處下卦之上高陵之象

伏戎于莽敵剛也敵三歲不興安行也言為什

九四乘其墉勿克攻吉四亦敵同二而為三所隔乘墉之象也然二本五所當得又四以剛居陰非過

剛者故勿克攻而反也。畏義知改故吉。大抵同者必有爭。蓋爭之理已伏于同之中矣。故同人中又皆有爭象。

乘其墉、義勿克也。其吉則因而反則也。復四之則

九五、同人先號咷而後笑。大師克相遇。先號咷、隔于三四也。後笑、終得二也。剛故用柔。

不能自創。故有先號咷笑之象。克者難辭也。三四同類。五以大師克之。然後遇二也。乾體故有大師之象。義詳見等例。

同人之先以中直也。內直而遠。奔故號。大師相遇言相克也。

上九同人于郊。無悔。國外曰郊。上居外極。郊之象也。在國之外則不得同于內矣。雖無與同。亦無與爭。是以無悔。同人以二為主。上極遠。故有此象。○二自內同外。故卦辭取象于野。上在外不得同內。故爻辭取象于郊。卦辭又

辭義各

有主

同人于郊。志未得也。不得同二。故曰志未得。○同人承否之後。乾剛用事。居于遇合之卦也。卦唯六

二居中得正。无它柔以極其意。有舍己從人之德。故曰柔得位。得中而應乎乾。曰同人。取其以柔同剛也。五剛而一柔。剛

至衆而柔至寡也。故以柔同剛為公。以剛同柔則私矣。同人
之義、唯主于公。至于五剛之情、則皆係于二。大抵寡者衆之
所爭、柔者剛之所敵。三四適當二五往來之位、故不勝其私
起而爭之、是以二爻獨不言同人。初比于二、則為門、上遠于
二、則為郊。六位
之義、極明整矣。

三三

乾下
離上

大有、元亨。
大有、者大也。為卦一柔居尊居中、五剛同應、
是大者為己所有也。祿有其大、是以大亨也。

大有、柔得尊位大中而上下應之、曰大有。
釋卦名義、凡六居
五皆為柔得尊位、

得于此吉之者、所以見大有之君
之盛也。大中謂居五剛之中位、其德剛健而文明、應乎天

而時行、是以元亨。
釋彖辭剛健而文明、則足以昭大有之德、
應天而時行、則足以成大有之功。卦之元

亨、不亦宜乎。應天乾象、同人乾潛位、故直言應
乎乾、大有乾在下、故但言應乎天、畧見釋例、火在天上、大

有、
火在天、上臨照至
博、大有之象、君子以遏惡揚善、順天休命。
時至大有、羣
賢畢會、天之

春命陸氏君子處至高以用至明遇惡以抑德揚善以衆陽也所以能協天休也

初九无交害匪咎艱則无咎无交无應也害患也處大有之時有刑德而尼于下无交之害也无

交之患非已咎也唯艱以處之則免咎矣剛性直遂故以戒之

大有初九无交害也逢治世而不獲乎上此无交之患也苟時非其時君子固避世而无問矣无交

非所患也故曰大有初九无交害也此聖人之微辭也

九二大車以載有攸往无咎也剛為大剛健居中以承乎上能

任大有之重有大車以載之象往而應五也力勝其任故往而无咎但下四剛皆不言吉占者所宜深究也

大車以載積中不败也

九三公用亨于天子小人勿克也應三處其前接乎文明之光有

進亨于天子之象亨與世礼五官致貢曰亨之亨同貢功也享獻也司徒司馬司空司士司寇歲終各致其功于王謂獻

之也。唯有剛大之德者足以當之。小人涼薄故弗克。三剛而不中故戒之。

公用亨于天子小人害也。

九四匪其彭无咎。

彭步郎切字書彭旁也匪其旁者不積案也四以剛事柔三剛在旁皆已同類多惧之地。

疑或易生唯匪其彭則得无咎或云彭盛放氣未詳孰是。

匪其彭明辯哲也。

既明且哲以保其身四之謂矣。

六五厥孚交如威如吉。

虛中信賢五剛同應為厥孚交如之象明德居尊上下共仰為威如之象人感

其信又服其威得用大之道故吉。

厥孚交如信以發志也。

此孚彼祭威如之吉易而无偏也居五剛

之中鮮有疑而不偏之者易而无偏示天下以大也古之賢主亦心服人如此。

上九自天祐之吉无不利。

天上象五德著治戒服承上九大有之業至此全矣故其獲福如此爻辭

雖屬上定
為五言也

大有上吉自天祐也

此爻但以卦終取義故偏言大有之福不言致福之由蓋履信思順又以尚賢

處有若元皆五之盛德故能善始善終而大有明主在上

獲福如此之盛故曰大有上吉詳見大傳○君子衆多之時

也卦雖以柔為主然虛中尚賢以柔處剛為極柔德之善者

君既賢而所用者又皆剛大之賢故明卦之義特異其例小

畜以一柔畜五剛故以柔名卦而曰小明其以柔制剛而小

之也大有亦以一柔而有五剛然不以柔明卦而曰大取其

以柔用剛而大之也是以六爻皆无

凶悔吝而上為无吝同賢之效速矣

三三
坤上

謙亨君子有終

謙有而不居也為卦上坤下艮五柔而一剛以三為成卦之主三艮体宜在上也乃止于至卑

之下故為謙亨謙必亨也君子有終指三也唯謙能

免於凶悔吝有終之道也艮剛居三畫之終故有此象

謙亨天道下濟而光明地道卑而上行

釋彖辭謙亨義天道下濟而光明艮在下

也。地道卑而上行，坤居上也，卑下讓也。光明上行，天道虧盈

而益謙，地道變盈而流謙，人道惡盈而好謙，鬼神害盈而福

謙，謙尊而光，卑而不可踰，君子之終也。釋：君子有終義。九三在下卦之上，尊也在

上卦之下，卑也。自下之二柔言之，則見其尊而光。艮也。自

上之三柔言之，則見其卑而不可踰。亦艮也。此莫

以見謙之有終也。地中有山，謙。高藎于卑，高君子以衷多

益寡，稱物平施。夫謙之為道，本氏下之至平者也。因有餘不

之，其適相平之際，乃謙之則也。君子衷多

益寡，稱物而平施之，所以反謙之本也。

初六：謙謙君子，用涉大川，吉。處衆謙之下，為謙之象。前有互

也。

謙謙君子卑以自牧也

牧如牧牛馬之牧人。不以卑自牧。則矜高之心必縱而為害。

六二鳴謙貞吉

凡言鳴者皆感之于陽也。卦唯一剛為謙之主。二比而承之。感而有得。為鳴謙之象。所親者賢。

故得正而吉。

鳴謙貞吉中心得也

刑得

九三勞謙君子有終吉

勞勤也。三才足以任一卦之事。又處陽動之位。勤而不伐。止于眾下。勞謙之象。

其占為君子有終吉也。謙之用在下。二皆為得其謙者。故皆以吉言之。又休有互坎。為勞卦。故取此象。

勞謙君子萬民服也

眾柔俱服

六四无不利撝謙

艮止坤順。謙至六四順而通矣。德當其位。上可以承君下可以比賢。故无不利。撝與麾同。

三以剛下柔。四不敢當而以撝避為謙也。此又斷辭在先。占辭在後。言雖處通順又宜守謙也。

无不利撝謙不遠則也

能不遠而已。不如二之自得也。

六五、不富以其鄰、利用侵伐、无不利。三不富、不得三也、鄰四上也、

得三、但用其鄰之力而已、三柔同体、以其隣也、坤為衆、以上臨下、故利用侵伐、餘亦无所不利也、五居尊失應、二服于三、

而不服五、故有利用侵伐之象、○凡言以其隣者、皆謂下不附之、僅得其隣也、餘詳見彖例、

利用侵伐、征不服也。止于下故萬民服五處上故民不服

上六、鳴謙、利用行師、征邑國。三上本應三止于下而不來、故上

謙已獨取上、故人不歸之、亦有行師之象焉、然處順之樹陰積而衆、故利邑國已之國也、在上失時、不能如五之侵伐、但

征已之國而已、師邑國皆坤象、

鳴謙、志未得也。上非純乎謙者也、特以應三而鳴焉耳、二與上雖均之為鳴、然二近于三、故中心得喜而

鳴者也、上遠于三、故志未得而鳴者也、可用行師、征邑國也。○謙一剛五柔之卦也、易于一剛五

柔之卦、未有不言剛者、復言剛、長師比言剛中、豫言剛應柔、言變剛獨謙不言剛、何也、曰剛非所以用謙也、九三艮体剛

本上進無止于下故謂之讓所以用剛非所以用讓也
讓與利類坤上艮下則為讓艮上坤下則為利矣是以尚讓
也故讓本陰盛之卦陰盛而陽不得位本不易處然而陰不
陵陽六位俱順者由九三有以陽唱則陰和九三既
外順讓又皆讓矣以卦德言之艮為止坤為順內止讓之守也
三爻皆言利也故內三爻皆言吉也者處事而盡善也

三三
震上 坤下

豫利建侯行師之象豫也為卦上震下坤四以震居上為五柔
以順而動衆皆樂之亦豫之義卦之才德如是故其占為利
建侯行師也國之大事本未易舉唯其入能為其時義可為
其入心欲為故舉之而利也侯震象師坤象

豫剛而志行順以動豫釋卦名義剛處四得衆
柔之應也志行四志行豫順以動故
天地如之而况建侯行師乎釋義辭如之謂
不能違此道也天地以順動故

日月不過而四時不忒聖人以順動則刑罰清而民服豫之

時義大矣哉

廣豫義民服衆柔服也大矣哉贊之也其時其義二者俱大也

雷出地奮豫先

王以作樂崇德殷薦之上帝以配祖考

凡夷陽也地本主靜非能奮者唯動發于

靜震而有聲則靜者始隨之而奮生氣條達物无不和豫之

象也樂亦陽也殷盛也先王作樂以崇一代之德蓋存之上

帝而配以祖考為所以法天地之和以陽其和也崇德謂所

尚之德六代之樂不相沿襲如舜韶武各極其所尚也傳

文配帝美言祖考世儒乃執

本根嚴父之說不考之過也

初六鳴豫凶四為卦主初定應為處下得援喜溫而鳴小人之

資最下而最

有援于上也

初六鳴豫志窮凶也

處豫之初志已滿極互其凶也

六二介于石不終自貞吉

石互艮象初應四而鳴三比四而所皆為溺於豫者唯二處中正得伸之

靜莫艮之止上不陷四下不實初介靜而守為介于石之象
石安而不動也安而後能處當豫之時上下逸然坤靜震
動將然之機已伏于中二見機而
作不俟終日其占為正固而吉也

不終日貞吉以中正也

六三肝豫悔遲有悔肝仰目也柔不中正而承乎四觀人之勢
于目其占為悔也遲徐行也目之而樂故以致悔去之或遲
亦有悔也勢本不憂樂况依人之勢者乎以柔居陽有能悔
之資故
以戒之

肝豫有悔位不當也

九四由豫大有得勿疑朋盍簪

由以逸樂有為由豫之象大有

得以一剛得五柔也朋五柔也盍合也簪連也處近君之位
又以一剛介五柔之中豈能無疑然當豫之時上下五柔捨
四易歸故戒以勿生疑貳唯此心洞然則人皆與之矣
其合自速蓋已不自疑則人亦不疑已乃處危疑之道

由豫大有得志大行也

六五貞疾恒不死

以柔居尊使能固守其柔之正而才不足衆皆附四惟拂去已不得其豫故為貞疾之衆

又以其能貞非苟於宴安者是以久而未亡故為恒不死之衆唐文宗之流是也

六五貞疾乘剛也恒不死中未亡也

居中也

上六冥豫或有渝无咎

冥陰象柔暗無識貪於高位居豫之極冥然而豫以至子成者也或猶疾之或

渝變也能變而知改則无咎矣震為陽卦上有動作非終冥者旁則必變爻有此象因以戒之

冥豫在上何可長也

○豫雖以逸樂為義其措天下于逸樂者九四是也卦之所取也蒙人之成而

艱其逸樂者初六三上六是也爻之所戒也艱卦曰豫怠也皆怠皆起于宴安憂患多生于逸樂天下之戒伏焉為卦

坤靜震動自靜而動而未形者幾也故繫辭傳特以我言之而六二正當其位故二為吉也夫易非以豫為不善也一

剛獨運以轉斯世于逸樂之說域天下之功莫盛于此易所以戒者非為致豫者言為處豫者言也初三上為漸于豫故

爻辭皆言豫二介五疾故爻辭獨言貞然貞雖同而位有異二居靜而不惑於豫者也五乘剛而不得其豫者也

三三震下 先上

隨元亨利貞无咎

隨從也為卦乾之一剛下而交坤剛來從柔為隨之義又震動兌說動而說從亦隨之義

无亨動而說得所隨也利貞利在守正不流于隨也如是而隨則无咎矣不守其正雖亨猶有咎也六爻之情皆比而不

應故以此戒之

隨剛來而下柔動而說隨

釋卦名義剛來下柔乾下交坤而為震也動以卦變言動說以卦德

言

大亨貞无咎而天下隨時隨時之義大矣哉

釋彖辭義卦曰隨无咎也

與時流轉之義也大亨正固則天下萬事莫不得隨時之宜矣故不曰隨之時義特曰隨時之義也凡言時之大義之大時義之大時用之大澤中有雷隨澤止水也雷在澤中氣亦皆侈之也亦難之也

以靜言君子以嚮晦入宴息

隨也

初九、官有渝、貞吉、出門交有功。

官主也。渝，變也。剛自上来為主，于內在隨之初，主有變動為官。

有渝之象，實必以正。從正則吉。二中正，初所宜從者也。初自乾交坤，動即遇二，得其所求，為出門交有功之象。

官有渝從正吉也。

從正從二也。義見發例。

出門交有功，不失也。

不失，人。

六二、係小子，失丈夫。

初剛在下，小子也。五剛在上，丈夫也。二捨應從，比係小子失丈夫之象，亦戒辭也。

係小子勿異與也。

義无而從。

六三、係丈夫，失小子，隨有求，得利，居貞。

丈夫，四也。小子，初也。三雖與初同体而位比于

四，故有係丈夫失小子之象。四无應以分其情，三往隨之，求必有得，然不可以彼之說己而遂失已也。故利在居貞。

係丈夫，志舍下也。

下謂初。

九四、隨有獲，貞凶，有孚，在道，以明，何咎。

四為四所浸，隨有獲也。四為四所浸，隨有獲也。

位近君而得下固而不改為凶也。在道猶言在前也。唯以孚誠前達于五，有以自明，則何咎之有。

隨有獲其義凶也有孚在道明功也

明之功也

九五孚于嘉吉

嘉美也四以孚自明于五以孚待之君臣相得嘉美之會也故曰孚于嘉諸爻皆為隨獨五

中正所信者善為隨之主而心无所隨故此爻最吉

孚于嘉吉位正中也

上六狗係之乃從維之王用亨于西山

上自坤來而為兌居隨之方它无所適心說於

五則其隨至切為狗係之象上係乎五從而極之兌說同休為乃從維之象係上係之也維五維之也王周先王

也古字亨享通用古者祭享必占初意周之先王去邪遷岐為民所隨其祈福于西山也常占此爻故周公舉前事以宴

之亦猶後世占書云其人嘗占得某卦之類

狗係之尚窮也

○隨以剛來下柔成卦凡柔從剛者常也剛從柔則異矣故卦以隨名隨之反也也長男

從少女而為隨長女或少年而為隨初之隨之猶未見其為病也終之盡之陽受病矣故隨一變則為蠱易之寓戒深矣

三三 巽上

蠱元亨利涉大川先甲三日後甲三日

蠱病禁也為卦上剛止而下柔巽而遂止禁

積事生故為蠱元亨利涉大川所以往而飭之也然飭之道務在首新政令以為善始之計甲者數之始而事之評首故先甲三日以諒之使其事不至甚壞而可為方亨之圖後甲三日以防之使其事可以大亨不至有復壞之憂正以蠱非一日之積故不可一日而為苟今日去之後日復作則其病不可為已是以出政達令貴在先後詳審以回生意之始也巽為木故取涉川之象為命令又莫大于善始故取先甲後甲之象

蠱剛上而柔下巽而止

蠱卦上乾分一剛上而為剛也柔下坤分一柔下而為巽也

上剛止而不屑事下柔巽而不任事禁極事生為蠱之義又巽而遂止不復更為亦蠱之義

蠱元亨而天下治也

利涉大川往有事也先甲三日後甲三日終則有始

天行也

擇彖辭巽止所以成蠱元亨所以治蠱也先明致病之由則知治病之方矣終則有始者十干終于癸而

始于甲世運終于龍而始于治乃天運也聖人所以先甲後
甲而圖之者因天運而施人謀也治者必盡者未必盡治
此人謀所以山下有風蠱君子以振民育德風行山上風落
不可廢也

象也振民作興之也風也育德長養之也
山也因治人而反諸己飭蠱之道然也

初六幹父之蠱有子考元咎厲終吉

卦雖以巽艮成蠱然爻皆
幹蠱者也乾為父坤為母

母分一女于父而為巽故乾退西北巽進而位東南父分一
男于母而為艮故坤退西南艮進而位東北有父母老而子
任事之象故父取幹蠱為義詳見義問○以柔居初方任父
事其象為幹父之蠱而能幹則為有子矣是以考元咎也
然又柔道當體之初故厲居陽柔中有剛故終
吉卦自初至上皆于象也獨在初言有子者別其為初也
幹父之蠱意承考也在事之初才柔未能
見之行事意為而已

九二幹母之蠱不可貞

二在內居中其象為幹母之蠱婦人之
性當巽以入之純用剛正易以傷恩宜

時中道故
不可貞

幹母之蠱得中道也

九三、幹父之蠱，小有悔，无大咎。
三才足以幹矣，然以剛居陽，傷於過剛，故小有悔，能幹故无大咎。

幹父之蠱，終无咎也

六四、裕父之蠱，往見吝。
凡又言幹蠱者皆剛又，否則柔爻而陽位者也。故幹者剛之事也。四爻柔位陰

无其才而欲當其任者也，故不能幹而為裕。寬緩也。廉蠱而裕，符蓋蠱矣。不揆而往，必見羞吝或辭也。

裕父之蠱，往未得也

六五、幹父之蠱，用譽。
以柔居陽，為蠱之主才，雖不足而有中德，能廣前人之声，為幹父用譽之象。譽者，声

望之謂也。義見發例。

幹父用譽，承以德也。
初止意承五則承以德，勢有不同故也。

上九、不事王侯，高尚其事。
剛止居上，蠱事既終，可以置其事而退，為不事王侯高尚其事之象。蓋用

高風以激頽俗雖不幹益而有振盪之功矣諸父為任事者故取父子之義上為冥其事者故取君臣之義蓋臣有乞身之禮子無養高之道也

不事王侯志可則也○蓋以巽止而成巽止本非凶德但為

避而不前一時若未見其害因循積習然後盛之病著治之之道在變其前失以飭之又不可求為一決之快故卦以先甲後甲為義又復取家事為象承家之道太剛悔生太柔吝及唯剛柔適中者足以幹矣繼修之事雖長才可勉與撻亂創業者其難易又不同也故休否之功必待九五幹益之譽雖六五可也在勅之而已幹者勅強有主之謂也六爻于初上明本末之義初言有子柔之稱也上言不事剛之終也二五得之于中三四失之于過六爻之義亦極明整矣

三三
坤上

臨元亨利貞至于八月有凶臨進而逼之也二剛浸長已得中位以大臨小進而逼柔為臨之義

元亨利貞至大二故大亨利貞體諒故宜正八月陰長辟卦為觀者臨之反至觀則剛柔皆變故聖人預言之以為陽

戒曰有凶有吝未至之辭也知
其有凶而先慮之則无凶矣

臨剛浸而長

釋卦說而順臨之名義

剛中而應應多指二五也復

初與四應未之言應也至臨則二
與五應剛得中位而可以有為矣大亨以正天之道也至于

八月有凶消不久也

釋彖辭天道謂乾道元亨利貞乾之道也消不久者臨一變則為觀澤上

有地臨

凡坎兌皆水也但坎水下陷兌水上蒸其性不同澤上有地則上臨乎下、說乎上、下不逆臨之象也

君子以教思无窮容保民无疆

教思无窮者体澤之深容保保民无疆者法地之廣教而

能容乃臨下之道也

初九咸臨貞吉

剛雖長而尚柔將雖消而猶強故初之與二貴在咸臨咸皆也二為臨主初與二皆進以臨乎

柔唯固守其正則吉

咸臨貞吉志行正也

在卦之下志為而已未得用也

九二咸臨吉无不利

與初皆進亦為咸臨之象然初雖長而在下至二則有應于君剛中之道得用故吉

无不利不言貞者二固已正也初之正以從二而正也

咸臨吉无不利未順命也

命謂君命二以剛自守不順乎君柔而以道事君者是以能无所不利

若義已徇人則利德失矣何利之有

六三甘臨无攸利既憂之无咎

二剛方進柔乘其上不能退避說而臨之為甘臨之象其占為

无攸利也唯自審非據不以臨剛為樂而以為憂則底乎无咎矣憂者說之反凡兌不得用則變說為憂彖詳見彖例

甘臨位不當也

居陽乘剛既憂之咎不長也

六四至臨无咎

與初正應順其來而臨之為至臨之象柔不遠剛故无咎

至臨无咎位當也

六五知臨大君之宜吉

量已而不自用者知也時當剛長五以柔中應之而无自用之心善用其柔者

也故為知在臨之時為大君者莫宜是矣
故吉知方審諸己者也宜者當其時者也

大君之宜行中之謂也

上六敦臨吉无咎

柔處順性志在從剛為敦厚以臨之象位雖无咎坤休為厚艮休為實故

復六五艮上六皆有敦象

敦臨之吉志在內也

○臨者大也以大臨小本卦之所得名而四柔亦謂之臨者自下二剛言之則

大臨小也自上一四柔言之則上臨下也大之臨小也以道上之臨下也以位故臨有二義焉嘗疑復臨泰大壯夬皆為剛長之卦八月有凶獨設戒于臨何也蓋復泰大壯夬其消長之戒已互見于反對之卦臨與觀反簡觀不明著陰長之義故八月有凶特于臨見之聖人之意微夫是豈徒然也哉是豈苟然也哉

三三坤下
巽上

觀盥而不薦有孚顒若

觀示也為卦二剛顒示於上四柔仰觀于下故為觀以五為主蓋當陽之位

以接柔之來也特祭而洗手曰盥歌生歌熟曰薦願仰也言
精誠之至甫當盥手未及荐物下已親感其矣願照頤向崇
仰自不知其速者此天下之至神也禮之可觀而易以感
人者莫盛于祭故取此象遇此卦者當為以德化人而不可
作為之占也彖辭不言元亨利貞吉凶悔吝无咎意可知矣
卦如此者唯晉與此而已爾皆二利四柔之卦也觀去声
大觀在上順而巽中正以觀天下釋現卦名彖大觀在上大
者現示于上也順而巽順
中謂五也觀盥而不薦有孚顒若下觀而化者也釋謂

四觀天之神道而四時不忒聖人以神道設教而天下服矣
極言觀彖神非虛无也乃天地間定有此理而不可誣者但
以其无形迹声臭之可言而謂之神耳天道至神故能網維
四時之運聖人用天之神道而設教如嚴郊廟順剛柔生香
色謹時日正服色之類皆是服謂人心敬從卦之四柔順服
于下故取此象凡易言風行地上觀先王以省方觀民設教
服者皆謂柔之文也風行地上觀先王以省方觀民設教
之省方觀民其設教未嘗拘于一律也審其風氣之宜而導

之故其入又之速有不自知者耳

初六童觀小人无咎君子吝

戒觀之主在五四柔皆現乎五者

五莊無所見童觀之象群玩經意若曰童現无咎則不可以訓哉曰小人无咎若君子則羞吝矣置其不足責者責其深可責者國以戒君子寔亦戒小人也

初六童觀小人之道也

言小人者明其為陰也五上皆言君子者明其為陽也現本陰盛之卦故

以君子小人對言之此聖人之微辭也

六二闚觀利女貞

闚門中門視也柔居于內以視乎外

闚觀女貞亦可醜也

承初而言也大觀在上已為正應不能正觀乃從而竊闚焉初固小人二亦可醜

六三觀我生進退

當現之時君子不能通四柔而不使進也

生三觀五之所為也居下卦之上進也在上卦之下退也三固近而有見矣但高隔六四故猶在進退之間為兩

觀我生進退未失道也

六四觀國之光利用賓于王

現之四柔位愈近者見愈真四進而在上故曰觀國之光一者陽之

輝也五方現示四位巽承五必敬接故曰利用賓于王賓者陰之盛也卦有坤故言國卦似艮故言光柔並見發例又凡

言賓者有主之辭也觀之主在五故六四為賓始之主在二故九四為賓

觀國之光尚賓也

九五觀我生君子无咎

生謂出于己者現我生謂觀我之所為凡連于生民者皆是也五為觀主故知

觀化之淺深唯反觀己之所為而已現之時人小方盛君子居其上本當有咎唯自致考察之功是以无咎然无咎而已

不能為吉也陽主生故取生象

觀我生觀民生也

民謂

上九觀其生君子无咎

觀之為觀者五也上不任事唯現五之生而已其指五也五上同体五无咎則

上亦无咎矣故
皆曰君子无咎

觀其生志未平也

處卦之極陰得剝己雖有剛德
位不得施伎有觀焉故志未平

觀陰盛之卦也而聖人絕不言陰盛之意何也曰非不言也
謂現云方正聖人處陰盛之道也四柔浸升不可力遏唯可
誠化盟而不存蓋因祭以教敬也至誠感神而呪于人乎故
永傳但言聖人至德出治之盛順而與中正以現天下皆以
德而不以力是以為小人者曰孳心存顯然自服于至神之
中而莫知為之者此乃聖人故人心以悅天運與祈天永命
同一致極至矣盡矣不可復加矣它卦凡剛得位則傳必主
剛言之現陰盛陽微苟以剛處之則競矣故傳不言剛得處
陰盛之道也機者君子處陰盛之道也
盛之道也機者君子處陰盛之道也

三三震下 雜上

噬嗑亨利用獄

噬嗑噬而合之也為卦外實中虛為勝之象一
剛間其中為頤中有物之象物在頤中噬之斯

噬嗑噬嗑亨間去而亨也去
間之道利在用獄傳文偏矣

頤中有物曰噬嗑

釋卦名義此卦言全卦之象

噬嗑而亨

釋義

剛柔分

一剛于中而為震

坤分一柔于乾而為離此言變卦之由

動而明

此言成卦之德

而亨

雷以益澤電以燭

柔得中而上行

剛柔分而柔得中此因卦變而言成卦之

主雖不當位利用獄也

用獄者將以得其情而酌其刑也震

威无以得其情而不明亦无以得其情

得其情矣

雷電噬

嗑

離象為電後並同雷電當為電雷蓋義文相近而誤也先

王以明罰勅法

勅整也明罰電之

初九履校滅趾无咎

履校長施滅也初處最下雖動於惡而未

誠小人之福故无咎

履校滅趾不行也

款其

不為

六二噬膚臧鼻无咎 噬者之用在中內四爻主噬者也初上受

噬者在上各取其同体而進也二以柔居陰蓋純乎陰柔者不能深噬止入其淺為噬膚之象鼻中正而柔者也二也初

以剛抗柔噬之見傷故反有滅鼻之象然二雖見傷義則无咎

噬膚臧鼻乘剛也

六三噬腊肉遇毒小吝无咎 小物全乾曰腊初也初剛在下質

志剛也往六二下治初九為噬腊肉之象噬者弱而受噬者強故有遇毒之象然噬噬之時刑有當施故雖小吝而无咎

也毒震象

遇毒位不當也

九四噬乾肺得金矢利艱貞吉 肉附骨為肺離為乾卦乾肺上

九能入其堅為噬乾肺之象金剛也矢直也剛直之道獲施為得金矢之象然四非得位又以剛承柔不可過用利在艱

難審度以什其五則吉也
失離象利艱貞義見發例

利艱貞吉未光也
失位故未光

六五噬乾肉得黃金貞厲无咎
乾肉亦上也五以柔居陽柔中

至脾淺不止膚為噬乾肉之象
黃者柔之中色位中而剛為
得黃金之象但德不當位以治无惡故雖正而厲然噬有當
施在五則无過也

貞厲无咎得富也
刑得其當

上九何校戒耳凶
何負也上惡積而極者也受
噬在上故為何校戒耳之象

何校戒耳聽不明也
誅其不明也噬用獄之卦也經現之
後大觀示之以禮噬嗑齊之以刑化衆

而民犯情矣而問生卦以噬名獄以利用是必有火不得已
者內之四爻二戒鼻三遇毒四艱貞五貞賴无全吉者然則
治人之道為可易慮而輕為之哉或疑九四本為問者
而象占反吉蓋頤中有物但以此取象不以此取義

三三 離下
艮上

賁亨，小利有攸往。賁，文之也。下體剛為質，而文以柔，上體柔為

亨，剛亨也。剛得而文，故亨。小利，小者利也。柔得剛而文，故利在往而求賁于上。遇此卦者，各隨其所值也。

賁亨，柔來而文剛，故亨。分剛上而文柔，故小利有攸往。天文

也。文明以止，人文也。釋彖辭。柔來文剛，坤文乾而或離也。分

往於外為往，剛柔往來，自然之文，故屬之天。文明，以此當然

之文，故屬之人。凡易言卦德承接，或曰而或曰以，用辭亦假

有也。觀乎天文以察時變，觀乎人文以化成天下。天文為時

日月星辰之枉輳，可推四時之變矣。人文為化，或本原，見三

綱五常之條理，可致化或之功矣。古者治天詳于治人，故廣

義，山下有火賁。君子以明庶政，無敢折獄。山下有火，有山之

者也。賁，被飾之而已。故可以喻明庶政，而不敵折獄。蓋獄不

可以大殺也。明庶政，取離之法。无敢折獄，所以明長之止。

初九、賁其趾、舍車而徒。初九于二下卦以二為成賁之主、能用己者也。然初自有正應、守正而行、寧一

而安于下、為賁其趾舍車而徒之象。賁以徒行為賁其趾、則知義不當乘而來者、皆為辱其趾也。初德剛明、故能及此。

舍車而徒、義勿乘也。初位在下、義無可乘。

六二、賁其須。須之為物、柔而麗於頤者也。自三至上、有頤之象、二以柔文剛、麗于頤之下、而可觀、有賁其須之象。

夫耳目口鼻皆有所司、以為人用者也。須附于頤、但由頤以動而已。值此占、亦當依人之力、不可自為也。

賁其須與上興也。附頤而興、又二與上本來往之文。

九三、賁如、濡如、永貞吉。剛處離極、為賁如之象。互休有坎、陷于眾中、又為濡如之象。三能永守其位之

正、則柔不勝剛而為吉矣。

永貞之吉、終莫之陵也。終謂濡也。

六四、賁如、皤如、白馬翰如、匪寇婚媾。四當受賁于初者也。以柔應剛、宜得所賁、三近而係、

勢為所隔父而未遂故曰賁如皤如皤者也五坎為馬輪白
色也家語戎事未翰是也四未得初故曰白馬輪如者以見
其未得所賁也若非阻于三
之致則已于初為婚媾矣

六四當位疑也

四已當位所以未得從初者有疑於三故也

匪寇婚媾終无尤也

過不
在我

六五賁于丘園束帛戔戔吝終吉

此卦以上為成賁之主五承

山止于上而五體之有賁于丘園之象束帛三玄二纁當

五之數所以為文也戔戔戔小之貌柔性吝嗇不能盛

儀有束帛戔戔之象勝賢而儉雖吝可羞

者矣然賁將反質安上素志是以終吉

剛

六五之吉有喜也

得

上九白賁无咎

艮體為寔上處艮正位以廣止此文為白賁之

故无
咎

白賁无咎上得志也

離之文從上而止得其素志○賁雖以

為文而艮止之也文柔德也成天下之文柔者能之止天下

之文非剛者不能初與三雖均之為剛但中又變離牽柔為

主不過為文之賁而已唯上剛正得位能止其文故初曰賁

其趾二曰賁其頤三四賁如五賁于丘園皆以賁為首稱獨

上以白加賁上而謂之白賁為其辭異矣然則五又皆為文

者也上則以賁止文者也又辭之例于此可見其清嚴矣

三三坤上

利不利有攸往

利剝落也為卦上艮下坤柔之盛也艮剛之

人道盛君子失位不可有為其時其德

皆宜於止故其占為不利有攸往也

剝剝也柔變剛也

釋卦名義變猶革也不利有攸往小人長也順而止

之觀象也君子尚消息盈虛天行也

釋柔辭順而止之不致

剝消而虛之時也尚消息盈虛而不競者察時也凡以為此

者非為身計也自始至剝當君子消落之餘所存者一人而

已、夫將盡者可憂、僅存者是惜、天之意固有在也、自昔聖賢不幸而值小人之世、以一身當天人之係屬、苟殺身而可救時、固不敵愛其身、或保其身、而可保時、又何故輕其身也、山附于地、剝上以厚下、安宅、附、

藩也、山類藩者、下不寔也、剝自下始、下厚則上安矣、程子曰、下方上之本、未有基本固而能剝者也、

初六、剝牀以足、蔑貞、凶、

也、卦有牀象、剝當休息之時、而牀者承人而為人之所息者也、初處最下、以

剝乎剛、為剝牀以足之象、蔑、滅也、貞、陽貞也、初爻之惡尚淺、故戒以進而戒正、則凶、易之望小人者如此、

剝牀以足、以滅下也、

六二、剝牀以辨、蔑貞、凶、

辨、牀幹也、在初之上、故有辨象、占與初同、

剝牀以辨、未有與也、

與、黨也、指三也、二敵上進、三獨應剛、故曰未有與、

六三、剝之、无咎、

无咎者、善補過也、衆皆剝剛、三獨應為、震剝之時、而能免過、剝之无咎者、

剝之无咎、失上下也、

三所以能无過者、以其能遠上下眾柔之情也、

六四剥牀以膚凶凶不言義貞者小人之惡已不可回故也

剥牀以膚切近災也陰災切近

六五貫魚以宮人寵无不利魚宮人皆陰象指下四柔也五柔中居尊為衆柔之長以承乎剛也

剛用其順止之道魚貫同類驕首齊一待以宮人之寵不使

同事于外則小人不得以盡空君子而已亦有所范而可以

止于上矣无不利言下有以處小人有以安君子也五止

得其中非純乎惡者故其象占如此○剥雖柔得志之卦然

柔文凡害剛者皆凶附剛者无禍蓋

造化之理若无剛則柔亦无所范矣

以言人寵終无尤也雖不任之名為親之得順而止之道故終无尤也

上九碩果不食君子得輿小人剥廬剛為碩果為果五剛已剥一剛獨貞于上碩果不食

之象果碩而不見傷天地之心蓋可知矣坤為大輿曰輿者下之所以載上也剛止乘柔故有君子得輿之象艮為門闕

曰廬者上之所以范下也柔進剥剛故有小人剥廬之象聖人因爻有此象故賓主對言之以見君子不失其所乘小人

自失其所范也

君子得與民所載也

民謂衆柔

小人剥虛終不可用也

終不可用亦謂衆柔

皆柔也但其情所不同者庶民公而小人私耳○剥乾之六陽自始至利僅存其一陽之餘氣盡止于上以消息之數言則為陽之符盡以生成之理言則為陽之貞閉故又以碩果象之艮陽在上作頤甚微然即此一畫而向之六畫寔亦不外乎此反而復於下則為臨為泰以至干乾皆為此祭之物非捨此一畫之外別有五畫而成乾也猶物在胚胎中雖未見其鬚眉口鼻然所以為鬚眉口鼻者已悉具于此矣但內卦主息外卦主消凡陰陽之氣在下則根於內而能生在上則散于外而不能生雖碩果不食其中心之仁固具生在不窮之實然非墜于地則無以發其莢故必待上之一陽來復于內卦之下而後可以生也

三三震下坤上

復亨出入无疾朋來无咎反復其道七日來復利有攸往

復反也乾

之一剛利藩于上復反於下故為復亨者剛來歸于內動而不躁也出入无疾者剛反為入剛長為出數極而回亦不得以害之也朋四也初與四為用初反於下四來從之亦得无咎也道陽道也乾之初九至姤而失自姤至復凡七變故為反復其道七日來復也君子順剛長之戒其占為利有攸往也用來與蹇九五同義詳見彖例

復亨剛反動而以順行是以出入无疾朋來无咎釋永辭不

而曰動而以順行者剛反復其道七日来復天行也以數利

有攸往剛長也言以時復其見天地之心乎卦下一畫即天地

在造化間未嘗一日无特純坤極靜之時寂然不動不可得

而見唯復當坤陰既極震陽方萌之初生物之心端倪始發

最為可觀邵子以玄酒味方淡大音聲正希喻之蓋時當純

坤羣動俱閑無声臭之可言過此則為臨泰大壯羣動俱作

其鹹畢陳而金石廣奏矣唯復則非无声也而声正希非无

味也而味方淡則見味之本正希則見音之真故曰復其

見天之心乎雷在地中復卦以靜極復動為復陽分陰也先

詳見彖例象以動養於靜為復陰根陽也

王以至日閉關商旅不行后不省方不省方不巡狩也天地與人同一氣之流行至

日微陽方復理宜靜固先王所以靜養其身與國者非但取法于天地而已正以人之氣與天地之氣其機元以異故也

至日閉關后不省方皆夏小正語疑此為夏先王之制而商旅不行則失子釋閉闔之義也

初九不遠復无祇悔元吉卦以消長言復卦爻以善惡言復剛失即復居復之最先為不遠復之象

祇抵也復善而速不抵悔大善而吉之道

不遠之復以脩身也正當脩身之時

六二休復吉休息也二自上来守中處正下此初剛為休息以復之象亦吉之道

休復之吉以下仁也初陽為仁下仁下初也仁即天地之心初九能不失此心故傳以仁名之欲知

仁之所以名仁者現於復亦可見矣

六三頻復厲无咎柔不中正處于動極從善之心不固屢失屢德得頻復之象頻故厲復固无咎

頻復之屬彖无咎也

六四中行獨復位處五柔之中為中行之象柔順當位獨與剛

彖已言无咎故又不

復出亦經文之例也

也從初

六五敦復无悔敦坤象柔中處上雖與剛非應非比然實本厚

敦復无悔中以自考也方成也去剛既遠應比皆柔

元成之有中順以自成而已

上六迷復凶有災眚用行師終有大敗以其國君凶至于十年

不克征復道貴近上去初最遠柔暗之極迷復者也

人災曰眚時方尚復已獨迷焉違天者不祥故有災拂

為六五也十坤數上凶與災眚既併于身不自慎省尚仍利

之舊惡陰窮而戰扶危振陽則又凶及其國君至于十年之

久尚不克征三百八十四文言凶未有若迷復者也當此占

者可以痛
自戒慎矣

迷復之凶反君道也

陽為君反君道者叛陽也○復貴安靜則當靜養以俟時柔當專固以從正辭

泰則有充長之期專固則无妄作之愆故初九言惕身不言有為蓋今之慎身正所以為臨泰大壯大有為之地而在復則未可為也三頻復故厲上行師故敗唯二以休復而吉四以獨復无咎五以敦復无悔

三三
震下
乾上

无妄元亨利貞其匪正有眚不利有攸往

无妄无邪妄也縱復之後震自乾來而為

主于內陽微无應餘災尚存動不可妄故為无妄五剛中得位得應其占為大亨而利于以正又上夫位不正處時之亢動必有眚故不利有攸往也卦備此象故善言之以戒占者

无妄剛自外来而為主于內動而健外

釋卦名義剛自外来乾下交坤而為震也

卦变以初為成卦之主故名卦之義主初言之剛為內主動而能健柔邪不行无妄之義也

剛中而應大

亨以正天之命也

釋彖辭五剛中而二應之故其占當大亨而又宜用正乃處无妄之道也天之謂為

元之所命也臨言天道是揭乾之義此言天命是蓋取乾之象也

其匪正有青不利有攸往

无妄之往何之矣天命不佐行矣哉

謂上當无妄之旁而往也剛在初為退在五為

中至上則亢而不可往則為不合正理不合正理則為拂天而天命去矣大亨以正者命所佑也匪正者命所不佑也

行矣哉言

天下雷行物與无妄

雷發之以時而物皆與先王不可行也

以茂對時育萬物

茂對盛也對並也先王茂對時運育成羣生順陽動也

初九无妄往吉

剛居震位之正動而无妄者也二居其前進則得二故往而吉无妄之用在震之用在初故

六爻唯初為吉

无妄之往得志也

得志剛得柔也例與貢上九同與譙上六反

六二不耕獲不菑畲則利有攸往

禮防記曰不耕獲不菑畲以疑則字當為凶字詳見或問

田一歲反草曰舊三歲曰舍震一陽在下為稼獲舍皆謂有
獲于下也二當應五而為初所比連然而獲非其素有故有
不耕獲不菑畬之象非適妄得
為凶之通利在舍初位而從五
不耕獲未富也

六三无妄之災武擊之牛行人之得邑人之災

三比二而二比初或初也非所

當得四或牛幸物二也初比于二而先得之為或擊之牛之
象行人在外之人五也二復舍初而往應五為行人之得之
象邑人在內之人三自謂也二與初比初既失二反以咎三
猶行人得牛而居者反遭捕詰之擾也為邑人之災之象事
皆不因于三故
曰无妄之災

行人得牛邑人災也

九四可貞无咎

可貞非正也遇此時當此位亦可以此為正也
前後並做此四處上无應不可妄動休離乾剛

位當陰靜可以守
此之正而无咎也

可貞无咎固有之也

雖曰可貞乃其時位之當然而固有者也義與益六三同詳見答例

九五无妄之疾勿藥有喜

疾謂為已害者也五應在二初欲待之為无妄之疾之象二終當來不待

改治妄者自退其占為勿藥而有喜也先儒言无妄動卦也而宜于靜大畜止卦也而利于行

无妄之藥不可試也

已无所妄而妄忽犯已唯當以妄人待之則天者自定苟憤毒其妄而改治之

則已反入於妄矣故藥不可試

上九无妄行有眚无攸利

蹇亢失位以當无妄之究用靜則免災用動則有眚是以无所利也邵子

曰雖行乎德若遠乎時亦或凶矣

无妄之行窮之災也

○无妄災情之卦起復之後陽微无應尚有餘災以四時言則春意雖回而五

寒未舒以一心言則善哉雖萌而體力未固以世運言則光武之小長安是已當此之時動安可妄故无妄雖為動卦六爻自初九二言動之外餘皆不利于動也史記及馬鄭皆云无望恨望也有所恨望則妄矣又言无妄之災之疾蓋

本無以致災而災至本無以召疾而疾生吾初不妄而所致乃妄者焉无妄之謂也然人之自處不可以己之无妄而有所望也守其在我者而已然則无妄之與无望其義一也

三三 乾上

大畜利貞不家食吉利涉大川大畜大者畜也為卦上艮下乾以艮之止養乾之健大者之畜

故為大畜利貞以剛畜正也在大畜之時利于大者之正也不家食者艮有止養之象上九在外為畜之主內之三剛往

而就之不家食吉也利涉大川乾得用也不食于家則利在濟時矣大畜為艮乾同德之卦故其象占如此利貞見祭例

大畜剛健篤實輝光日新其德釋卦名義剛健乾健也為寧輝光艮德也剛健而為寧輝

光故其德日新而為剛上而尚賢能止健大正也釋彖辭剛止于上引

接同類志在尚賢能止畜乾健得大者之正也凡傳言卦之德必自內始今先止而後健者明艮之為重也此傳之變例

也不家食吉養賢也利涉大川應乎天也應天者天在山中得乾也

大畜君子以多識前言往行以畜其德

凡氣非質不同天在山中氣隨而止所畜

者大矣君子以多識前言往行者

法天之大以畜其德休艮之止

初九有厲利已

卦頤均之為艮高乾然艮有一剛二柔從剛為正從柔不正是以乾之三剛俱欲上進以從上

九而不受畜于柔也初止于四尊初卑其勢不敵越四就上進則有厲矣而利則在已也

有厲利已不犯災也

災陰禍也指四

九二輿說輹

輹車下轄也乾体尚進為輿之象五方用止二不敵前而處於中為說輹之象不言占者占在其中

矣此爻為輿小畜九三取象畧同但大畜輿說輹言其能不行也小畜輿說輹責其不能行也

輿說輹終无尤也

居中故无尤

九三良馬逐利艱貞日閑輿衛利有攸往

三上同德可以進矣良馬乾象三居其先

下率同類以從乎上三剛俱進良馬逐也前有二柔不宜輕銳故利艱貞閑習也輿衛輿者也又日加閑習不敢冒進

也。體本乾剛，有援于上而復知，
證審能如是，則利有所往矣。

利有攸往，上合志也。

六四：童牛之牯，元吉。

童牛，未角者也。艮少男象，牯，牛牢也。四爻

有艮之止，得其位為牯之象。童牛，不柔又處于牯，抵觸之性，不期而止，柔不犯剛，大善而吉之道。

六四：元吉，有喜也。

剛柔不傷。

六五：贖豕之牙，吉。

豕，割其勢曰贖。艮陽止象，牙，鄭康成讀作牢，豕永牢也。五柔中有剛，處艮之二陰之狀，有

為贖豕之象。有艮之止，得其中為豕之象。豕性陰躁，然既贖而又在柔，害之性不得而發，亦謂柔不犯剛而吉之道也。凡剛善柔惡，其性各異，四五艮休，故能自加抑止，不敢逆拒三剛之來，蓋知所以自畜而無害制人之心，是以吉也。

六五之吉，有慶也。

喜在慶先，慶在喜後。

上九：何天之衢，亨。

天衢，在上之象。處艮正位，為畜之主。乾之三剛至是皆進，以從乎已，畜道大行，故其象占

如此養不言亨哉特于本爻言之
凡艮剛得用則變止為行見啓例

何天之衢道大行也

大畜凡畜有二剛主進而柔主退小畜

敵制其健而使之退也柔之道也大畜以剛畜剛同德相合
其養為畜養之畜欲養其健而使之進也剛之道也故彖辭
言不家食吉利涉大川者畜而用之謂也豈使畜我害因
是說而推之凡人稟純剛乾大之氣者唯上之人與之同德
則能畜之又能用之而彼亦樂為吾畜又為吾用苟非其人
則不唯養不受畜而彼亦無以用我但其術出于羈縻而已
觀于大畜小畜二卦剛
柔之情偽亦可槩見矣

三三震下
艮上

頤貞吉觀頤自求口實

頤養也為象外寔中虛上止下動有頤
之象故為頤貞吉頤以靜止為養以

動躁而失養故頤貞則吉也觀頤在口旁謂二剛也剛為
寔養人而非養於人者也觀其養人之道自求口實口在
頤內謂四柔也柔為虛求養于剛以為寔者也在此現其自養
養之道而已養人與人之自養所以貴於現者現其貞不貞

而己

頤貞吉。養正則吉也。觀其所養也。自求口實。觀其自養也。觀

頤。釋彖辭。初上皆養人者也。中爻皆自養者也。養之得失。在

能觀與不能觀之間。艮三爻善觀者也。震三爻不善觀者也。止者能見也。動者不能見也。天地養萬物。聖人養賢以及萬民。剛也。民衆

也。頤之時大矣哉。失時則害。山下有雷。頤。君子以慎言語。節飲食

也。山下有雷。止而未發。安靜以養者也。慎所出。所以養德。次可

以養生。節所入。所以養生。次可以養德。曰慎曰節。皆取止柔

初九。舍爾靈龜。觀我朵頤。山。頤。貴靜養。下三爻皆山者。動而失

而不志于食者也。朵。動也。朵頤者。下動也。初雖潛伏下位。然

其德剛。寔非侍人以養其剛明。又人之所資以為養者也。初

應在四。心羨乎上。及觀於柔動而失其貞。畏其隔德。故為舍

爾靈龜。觀我朵頤之象。兩初也。我四也。所以見初之失我也。

欲則不剛。其凶可知。頤。為邑。頤似雞。故為邑。邑象。

觀我朵頤亦不足貴也

陽為貴初失其為陽

六二、顯頤拂經于丘頤貞凶

顯倒也卦之四柔皆求養于剛也二比于初自上資下為顯頤之

象拂經違常道也丘艮象二慕上之勢復求養于上故又為于丘頤之象柔居動休所志不定故所從不一然初猶為承我者求之但為拂經上非應我者征則必至於凶矣

六二征凶行失類也

失震同類

六三、拂頤貞凶十年勿用无攸攸

易以審已知時為重當頤之時上為頤主三之所應宜往

而求養者也三以柔居陽扶匡為宴舍上不求拂頤之義其貞為凶十者坤數之極至于十年之久猶不可用无適而利凶之甚也

十年勿用道大悖也

大悖時義

六四、顯頤吉虎視眈眈其欲逐逐无咎

上三爻皆吉者止而得養也上頤之象也四應

在初自上資下亦為顛順之象得其所走虎艮象耽靜而
下視之貌其欲逐內急之貌柔度剛定貪於所欲故其象
又如此然其顛之時柔當求剛
未為全失其占為无咎也

顛順之吉上施光也

四自知才薄能居已應剛資人之才以
為施此施之所以光也傳主顛順言之

六五拂經居貞吉不可涉大川

養人有君之經也五才柔委貴
于上故獨不言順而曰拂經然

在順之時自知不足能尚賢而任之雖拂五之常而居六之
正亦吉之道也大川震也才柔不足以乘震靜吉動凶故又
以不可涉戒之故
其聽上之所為也

居貞之吉順以從上也

上九也

上九由頤厲吉利涉大川

卦有二剛皆順也但初失之動又位
在下上得止養之道又位在上故上

為戒卦之主剛居位極為五所尚物皆由己而養其占雖危
而吉利涉大川者艮剛得用止極而行能乘乎震又為平濟

天下之
吉占也

由頤厲吉大有慶也

頤道盛行天下之福。○頤以養為養。養

不宜躁止者常有餘動者常不足也

以貞為本。元養之道宜靜不宜挽宜安

以發揚鼓動為功山以凝靜滋茂為德震主生艮主養在頤

之時故艮為主也又震內艮外初陽之氣皆止於

內亦養之義又八卦之位出震終艮亦養之義

三三

巽下兌上

大過棟撓利有攸往亨

大過大者過也上經自乾坤相推以至

剛過于柔中強而本末弱有棟撓之家撓曲也然二五得中

行以巽說可救其過其占為利有攸往亨也大者已過本末

為亨往乃亨也內外偏重棟証已形蓋時不易為又不可不

為者大過之卦也以八卦之象言之巽為長木棟也兌為毀

折撓也

大過大者過也

釋卦名義過

棟撓本末弱也剛過而中巽

而說行利有攸往乃亨大過之時大矣哉

釋彖辭初爻為本上爻為末剛過以

四剛言而中以二五言剛已過極而復以剛行之是甚其過也此卦剛雖過而得中又行以巽說之德是以利于往而過者可亨也大矣哉非贊之乃嘆之也處得其道則株陸處失其道則株挽艱難之降聖人所謹

澤滅木大過巽象又為木後並同澤漲成木其過越者大矣卦言大者過象言過者大也君子以

獨立不懼遯世无悶大過之世衰世也君子謂剛者君子得

得位則遯世以遠天下之患不可悶也獨去巽之象无悶先之象

初六藉用白茅无咎藉承也白巽象茅初象藉用白茅以致潔

刑故有此象敬慎如此是以處大過之時而无過也

藉用白茅柔在下也

承刑

九二枯楊生稊老夫得其女妻无不利楊之為木陽氣易感而

意萌于下而能固其本者也大過剛過故有枯楊之象二處下中其過未極故又為生稊之象上既无應此於初柔在初

之上故為丈夫得其女妻之象夫老妻少以相輔柔尚可生
言无不利謂无害也二在大過之初尚可以為故其象如此

老夫女妻過以相與也時過而合

九三棟桡凶屋極為棟三四在卦之中棟也三以剛居陽處下之極剛過已甚而勢壓于上故有棟桡之凶

棟桡之凶不可以有輔也

九四棟隆吉有它吝以剛居陰在上之初未至甚過又據下之上故棟隆而有它謂幸係於初也位處

近君宜自力於上以隆其棟若俯而就初則吝之道此初六終未有它吝謂吉自外來也此言有它吝謂情或它適也象

各不同

棟隆之吉不桡乎下也下謂初

九五枯楊生華老婦得其士夫无咎无譽大過主中爻而言故五亦為枯楊之象華

者生氣泄于上而无滿于末者也雖處上中其過已極故但為生華之象下既无應此于上柔在柔之下故為老婦得其

士夫之象夫茂而華者常也枯而華者安也陽氣將竭而
為華生意不復回矣陽過之極又化于過時之陰不能自立
反為陰得故不曰夫得婦而曰婦得夫所以見陽之衰也婦
之已老苟合而已又以見其不能育也五之過大矣无咎无
咎譽乃主化又而言非謂
本又也亦又之變例也

枯楊生華何可久也老婦士夫亦可醜也女妻謂未失節者故傳以許相與之

義老婦謂已失節者故傳斥其可醜之定曰亦則婦
固失節矣而亦失節也又以發象辭之所盡者也

上六過涉滅頂凶无咎先体故有過涉之象居上之寧終故有滅頂之象才柔不能為時極不可為其

位與義又有不容自
免者故其象占如此

過涉之凶不可咎也○大過非剛之盛也乃剛之過盛而衰也勢忌偏重剛惡已極天時人事其理

則一推而言之猶君強而臣不能勝法重而民不能勝內重
外輕而國勢不能勝天下有至盛之形定有至危之幾自古

平世類此多矣然聖人為天下慮未嘗絕之以不可為故彖
辭先言棟桡之危繼言攸往之利正以剛得中尚可以為

非若小過剛失位而不中也卦之六爻義極明整初二在大過之初過之可為者也五上處大過之終過者不可為矣三在上卦之下、卦之極故棟桡而凶四在下卦之上、卦之初故棟隆而吉天下安危倚伏之候正在人事參差毫厘之間陸步有殊千里頓隔故曰大過之時大矣哉

三三坎下
坎上

習坎有孚維心亨行有尚習重也坎穴也一剛陷二柔之中有水陷土穴之象故為坎下坎方陷而

深險之未出者也二也上坎雖陷而淺險之將出者也五也兩坎相重故為習坎有孚休中寔也維心亨休內明也行有

尚剛必前也卦以重習為義自下坎而抵上坎重複相因而勢有必行故其象占為險難叠至而能不改其孚則涉歷之

久心當自通其行其尚可以出險矣

習坎重險也水流而不盈釋卦名義坤中爻變而成坎上下二柔土也其中一剛水陷土穴也

流者剛求通也不盈者柔傾剛而剛未盛也行險而不失其信維心亨乃以剛中

也。行有尚，往有功也。

釋彖辭坎剛居柔中其畫及履皆不變重為習坎六畫亦不變行險而不失其

信之象也信剛之寔也險柔之虛也不失其信則險愈歷而勢愈通難愈涉而智愈長是其所以亨也凡卦言亨者必係

之卦今不曰坎亨而曰維心亨者乃以剛明在中為亨在內之象也而未得為亨于外故不係之卦而係之心也心亨而

往則中有所主外無所旁自內之外往則有功而亨見於事矣坎為勞卦習坎勞而又勞故其義如此天險不

可升也地險山川丘陵也王公設險以守其國險之時用大

矣哉

上文以事變明處險之道此又以形勢明用險之道也天險上坎也地險下坎也王公休天地之險守形勢以

待事變其時其用所以大矣坎陽中陰外陰欲同陽必防陰故取象于守致賊戎狄皆陰類也曰王公者亦取重習之

象

水洊至習坎洊重也

君子以常德行習教事

皆取重習之象

初六習坎入于坎窞凶

處重險之下為習坎之象坎底曰窞才幸識暗陷而愈深為入于坎窞之象其

凶可知

習坎入坎失道凶也

失其道

九二坎有險求小得

坎性以趨下為病坎體以上盈為功二下

處於下得中而未得位未能出險其占為求小得而已不妄以圖大也

求小得未出中也

未出險中

六三來之坎坎險且枕入于坎窞勿用

三在重險之間進退皆坎故有來之坎之象

枕者壓於上也入者趨于下也之上則險而枕未下則入于窞是以不可用也以柔居陽在下卦之上意在出險然才弱位危徒勞无功故其象占如此初入于坎窞是已入于窞故凶三入于坎窞謂未則入于窞故戒以勿用也

來之坎坎終无尤也

六四樽酒簋二用缶納約自牖終无咎

當位近君得其所承故獨不言險坎為酒食樽

承酒簋承食也貳副之也缶中虛以承之器四之象也四比於五專心上承才德雖薄效誠則專故有樽酒簋貳用缶之

象約信約也。牖坎內明也。險難之際委曲自通。困君之明納已之信為納約自牖之象。善補過者也。故終无咎。言終則始固有咎矣。餘見或問。

樽酒簋二剛柔際也。降接也。

九五坎不盈祇既平无咎。五上坎也已踰六四尚有上六坎不盈之象祇抵也。處於中體得中得位。

坎雖未盈亦既抵于平矣六爻无吉者艱難之時雖五亦止於无咎而已。

坎不盈中未大也。二五皆中也。二曰未出中二之中非剛之所安也。五曰中未大五已在上之中矣。但

未充盛耳。

上六係用徽纆寘于叢棘三歲不得出。坎為法律徽纆索也。叢棘獄也。皆坎象五為坎

主已反未為陰險之極卒陷大惡至三歲之久猶不得脫凶上與初同但坎窩叢棘其象有上下之分耳。

上六失道凶三歲也。失其處險之道。

三三 離上

離利亨貞畜牝牛吉

離麗也。一柔麗二剛之中。上下有依。得其

之道。利在正也。亨。正固亨也。柔得用其象。貞又為畜牝牛吉也。牝牛離象。位當南方。長茂之地。感于剛而滋息之卦也。

離麗也。日月麗乎天。百穀草木麗乎土。重明以麗乎正。乃化

成天下

粹卦名。義而廣之。若而麗天。其道在南。植而麗土。中氣在中。重明以卦德言。內外俱離也。麗正以卦位言。

離居正也。化成謂重明麗正之化。離無二德。為麗為明。卦外寔中虛。陽著乎外明也。柔麗乎中正。故亨

是以畜牝牛吉也。用在二。猶乾九五。坤六二也。中正二居中

得正也。上文提論一卦之休。故曰重明以麗乎正。大意以居

位言之也。下文專論一爻之德。故曰柔麗乎中正。大意以得

位者言。明兩作離。大人以繼明照于四方。離象為明。兩作

之也。明兩作離。大人以繼明照于四方。離象為明。兩作

明不息也。唯大人能與日月合其明。故特以大人言之。亦主陽之意。

初九履錯然敬之无咎

錯然警悚顛著之貌初剛在下處離之始勢特趨上前遇乎二故有履錯然之

象二為離主已寔承為不可犯也其占為敬之則可以辟咎離性上炎故以戒之

履錯之敬以辟咎也

時義當然與

六二黃離元吉

黃柔之中色二文明中正得離德之盛故象為黃離占為元吉

黃離元吉得中道也

卦唯二為中正五則雖中而非中矣

九三曰昃之離不鼓缶而歌則大耋之嗟凶

三剛也故特以日言之但位已過中

日昃之象日昃而昏明者逝矣鼓缶而歌者憯曰以求樂也大耋之嗟者畏死而懷憂也不歌則嗟憂樂失常非能久者故凶

體有互兌歌者兌之悅嗟者兌之喪

陽消之候

九四突如其來如焚如死如棄如

四明之極也位雖繼三而迫于三離本失上又迫于下離

用其剛進而迫五為突如之象五居尊而不可逼自突復反
歸不如之象其來則逼于三矣三失上不不可避為焚如之象
剛不消燼不能復興為死如之象內外不相得雖死皆莫之
吝又為素如之象不言凶者凶不足以盡之也新安王氏曰
自下陵上曰突
自上復反曰來

突如其來如无所容也

六五出涕沱若戚嗟若吉
離二得用五不得用又以柔乘剛情不相得或不勝其憂悵然以位處中

故終得其吉也休有互兌沱若兌象兌不得用變悅為憂戚嗟若亦兌象

六五之吉離王公也
離麗也

上九王用出征有嘉折首獲匪其醜无咎
此又未詳而疑王五也

首魁也醜類也上處突極乘五之上故五出而征之也離為
戎兵征之象居上首之象所征者上不及其類獲匪其醜之
象其占為无咎也例
與師上同亦變例也

王用出征以正邦也

○坎離者乾坤之中氣也震巽艮兌畫位可易坎離獨不可易者以其當天地

之中也中不可變所以行萬變也物以中而生亦以中而成陽中於坎是為造物之端而其氣為順潤陰中於離是為化物之端而其氣為燥潤者能生燥者能成中之氣所以盛也但易以陰陽明鑒戒其在坎則慮陽之陷于陰在離則慮陰之陷于陽故以坎為陰險之卦離為陽明之卦其類則如朱子所謂淑慝之分學者各以其意求之則造化之微機次于卦運人事之明戒具于卦彖者庶乎兩得之矣坎北離南北方之氣主文故離以麗正重明為德守成之規也坎離之用大矣哉